

留春草堂詩鈔

留春草堂詩鈔卷五

寧化 伊秉綬 組似

禪祭踰月感賦

聖室抱寒影飛光五載適松楸終古淚漁釣昔年游曉漏  
懷青瑣風泉聽碧流自憐衰朽質身世兩悠悠

丁卯失怙荷承鉅卿良執羣爲傳志墓道之文服闋  
後乃得攄懷陳謝並志溯懷四首

翁覃溪先生

北平勤著錄今之洪景盧景盧所未詳赤水搜元珠剖析  
晉唐帖典核到索銖而其碑版文特以大筆濡先子一生

學苦心抱區區公揭其淵微示後審不誣旣追班史傳兼  
垂永興書賤子嗜金石亦曰公之徒勗之儀禮學猥云道  
不孤採敖繼公說補楊信齋圖卽喪服一篇心疚淚眼枯  
惟應祝公健九十風雨劬

姚姬傳先生

集

先生在郎署猶兼四庫勤所以於先子省同職則分職分  
道固合所造成溫醇遺榮作經師已歷三十春龍眠好山  
色望冠東南人北征我初謁勸我便抽身或仍趨畫省語  
罷雙眉顰受

恩復何易愧無益於民先子來揚州二老隔江雲方將圖

合并乃託志墓文一言壽千載來者知德鄰

秦小峴先生謫

歐陽遇仁宗立朝刻求退譬如西山秋聳翠白雲外名卿  
富經術萬象資紀載中誠結

主知道直息羣喙誰能槐棘班不忘苔岑愛銘先子幽宮  
一字一泣拜袞榮寄大集道腴仰風裁關河歸路春  
恩禮近臣最紅橋陪仙舟此景庸可再

王大鐵夫

長安交遊者不患無多聞所少惟直諒輒媚同一羣鐵夫  
剛如鐵愚棄智則親壽世尊與壘不朽非艾銀趨東江與

河薄蝕非星辰君學本綜博百鍊歸一醇  
恠彼短悍姿雄直氣必伸交君苦葯石  
先子聞之欣終資大手筆刻石光貞珉  
空山百不念良友時思存昌黎歎早衰  
徂徠甘長貧一編淵雅集懷哉後世人

三師二友詩

有序

韓城獻縣兩師爲秉綬己酉甲辰科總裁大興師  
則己亥科座主也老成彫謝已服心喪海內論交  
孟詞早逝稚存又亡遂連類而賦之

韓城王文端公

韓城夙夜盟忠貞人如太華當秋清受

知愈深意愈下每思後世譏姓名

師常言獨恨二字爲後世所譏問之卽公之姓

也緊予賞音出焦爨不及東門疏傳餞何期謝病更趨

朝倉卒鞭轡死猶諫

師薨之五日澄懷園諸老扶乩公降壇大書曰某事實實在公等

### 大興朱文正公

大興夙世磐陀石飽閱冰霜清到骨爲佛弟子爲

帝師啟沃之言人不識心傷國士張孟詞每一見我老淚

揮願得好官福百姓數行懷袖三年悲

師薨前一月惠書云予老矣天下多

一好官百姓之福也

### 獻縣紀文達公

獻縣大瀛海中仙期期奉

留春草堂詩鈔卷五

詔詞瀾翻特開四庫手編纂譬尋河到崐侖源三年閱微  
艸堂住高文典冊驅殘蠹名香一炷供山齋今日騎鯨渺  
何處

洪編修雅存

嗚呼更生今已矣忠肝赤照泉臺裏千金騏驥骨猶香寸  
草卷施心不死前年訪我攜江雲爲言將謁武夷君蓋棺  
事定吾何痛海天長嘯君應聞

張進士孟詞

張生卯角嬉里閭短檠卓犖同觀書誰知入洛才名噪魯  
兩生一歸華胥凌雲筆荷貂裘

賜宮中惜未知名字

君代大興師草進  
曾邀上賞

御文

空山片

石白雲飛似出英靈照天地

哭兩秀才詩

雷丈至堂

學海

造物逸以死先生今不貧殘叢收舊草漉酒殮遺巾訣淚  
瀟瀟雨空花冉冉春誰言兩佳子弗克養斯人

巫六扈離

士樹

老作江南客歸來席未溫飄零似秋葉寂莫到孤村氣骨

王前士才名祖抱孫

乃祖碧瞻先生乾隆丁巳科進士著大質文集無人話先輩

空館易黃昏



兕觥歸趙詩

明神廟初常熟趙文毅公用賢劾張江陵奪情廷杖逐歸時許文穆公國爲庶子製兕觥送之觥傳黃端伯陳潛夫二賢者明季皆殉節至乾隆年間觥藏曲阜顏懋倫處文毅五世孫王槐求得之

屈軼草枯神羊死一角旌忠許庶子相公無父惟有君太阿久假憑闥人大鳥不來鳳鳥去朝衫血裏東都門當時隱痛付盃酒犀照通天鬼神守璧返連城認趙珍觥辭陋巷添顏壽於戲文毅英靈不泯滅傳觥黃陳並忠節再世猶知中允賢諫書法祖甘迍邇

公冢孫士春以諫楊嗣昌奪情謫官

君不見

相臺岳氏收祭器耿耿精忠照天地虞山祠下海雲高海  
怪掀濤避寶氣

孝梅詩

邑先輩羅素庵先生崇祀忠義孝弟祠其子登峻  
居喪有庭梅之異連城童寒泉先輩以孝香名其  
堂百年梅枯曾孫孝廉方正荃補種二株焉

一士喪致毀三年梅不花三年亦已過梅復含霜葩草木  
果何知天意如褒嘉乃將儒行稱轉向園卉加昔聞有大  
鳥感孝翔山阿曾孫奇繼震望鳥頌禱賒梅枯歲亦暮沙  
然植雙柯良爲本根計匪以巡簷哦獨楓故里名寒香孝

廉家

經孟詞進士墓下追紀四夢

塞山岑崱鳴飛泉夢君長袖隨雲烟黃河竹箭龍門峻夢

君北岸看帆正是年南北事行役兩度無言見顏色

此戊午年

夢蘊隆蟲蟲邊郡憂促起禱雨芒鞋求

庚申惠州

桐杖熒熒草

土泣白衣枉弔長身立爲言白衣彼所製責我未赴增快

悵

己巳倚廬夢中之言如此

故人無子死吾手十八年前忍回首

孟詞以乾

隆乙卯年卒於京邸老來百事付春夢四夢炯如銘在卣芙蓉城清

仙袂寒爾骨饗蟻神鞭鸞吾生倘更十八年斯須待我遊

蓬山

張烈婦詩

烈婦姓賴氏元孝子祿孫之裔同里朱廬太學女  
年十八歸張氏子朝鐸歸六年夫死無子殉焉吳  
清夫紀其實入節烈志聞

夫子之病亟倉皇諮覲巫巫敢以實告夫命在須臾再爲  
推婦命必更二夫婦聞雙淚落此語其然乎其然默而  
奮曰豈不在吾夫瘖目將瞑握手心踟躕收淚好言慰昨  
禱神相余轉身肩繡閣一桁魂先驅理得數無權浩氣橫  
太虛人苟樹奇節其權良在吾作詩光我集且以砭吾徒  
族子紹勲勤學而天其妻毛氏從容殉節詩以紀之

鬱金堂上輝雙燭玉樓初成召昌谷已拚綵筆三生陪孤  
鸞恥築懷清臺窺池求鳩防閑密轉飾和顏歛憂恤西河  
抱痛淚已枯忍奉栗主煩翁姑倏過清明封馬鬣爲問其  
旁可容妾女黨聞言勸歸寧總帳終對孤燈青凌晨泣對  
小郎祝願叔聰明長成速小男彭祖繼張侯生陵當戶夫  
何求午歷庭軒見翁旣大人食飲彊猶未竹鱸文火氣如  
蘭敬進手自煎龍團阿翁慰藉奉身退遽入重泉仍設悅  
爲比翼鳥連理枝從容就義驚鬚眉噫吁嘻吾家貞烈光  
郡邑普姑好姑香可襲普姑明義民伊彥謙之女正統間遇賊不屈死伊氏好姑歸雷月孫  
順治三年陷亂兵給廿八王孃曾絕粒族祖太學昌裕之妾王氏乾隆二十

年殉節於今毛女勝成仙殉我長殤年二十

高舍人

澗然

屬書尊甫廣文墓志紀事

清夫撰文

先生故是有道者道周性全今已寘學漢不鑿宋不腐詞  
媿皇墳妙陶冶元方之行本太邱昌黎送終到東野泥金  
帖指孝廉船載駿骨歸詎忍捨得意題名孰自持安心赴

義焉能假

丁酉省試後遇友人之喪送其柩歸途中報君中式應回省填親供君送柩抵里方赴會城

此材若貢玉堂用內重外輕撐大厦惜哉賢喆不久世神  
來月落秋燈炮先生往矣遺澤長積學舍人天所嘏文無  
媿辭吾友作潔齊正筆焚香寫山青雲白樹豐碑他日過  
之應下馬

秋水園答客

負郭誅茅只數椽詞人爭寄浣花箋敢希輞水禪棲地又  
是蘭亭契飲年老去漸成金石癖春深宜放海棠顛眼前  
濠濮莊生興魚樂知來肯漫傳

過烏邨庄

三十年前路尋泉試茗來遠屏列青嶂微雨落黃梅樹老  
難勝葉階存半沒苔瓦橋似龍骨橫勒水聲迴

松陰

松陰濃壓白雲寒長日棋於局外看和到陶詩新有癖攢  
睂容易折腰難

東鄰叟

竹梧蕭瑟早寒催  
落盡枯荷檻鏡開  
坐對青山變紅葉  
亟須料理隔牆盃

童牧謙徵君寓居鄰院次韻訊之

隔牖茶煙一縷分  
出牆老樹碧如雲  
也知白酒頻邀月  
無奈黃花瘦似君  
山色到籬真澹遠  
衣香入座想清芬  
幾時踐展登高約  
千尺烏巖坐夕曛

入山得韓桂舫中丞書

雲海渺何處登臨  
別緒牽橋危橫渡  
水天遠淡描煙霜  
鬢斜陽外寒花古  
驛前故人方作鎮  
書到月娟娟



送友北上

五陵車馬樂遊原  
話到京華似故園  
小邑鳴笳驚歲晚  
寒汀嘹鴈逼燈昏  
聯吟我愛山中迪  
顧曲誰留夜半髡  
聞道雲霄有知己  
長楊賦肯達天門

園中雙鶴本曾賓  
谷方伯在揚州時所贈賓谷寄示  
憶鶴詩奉酬一首

題襟館中雙羽客  
攜到汀州數晨夕  
西津煙月東閣梅  
回首江南人未識  
昨朝白鴈傳書至  
爲訊仙人之騏驥  
對舞如知舊主恩  
爭鳴似喻新詩意  
小園一水千竹斜  
寒塘立瘦無魚蝦  
羅雀門前啄黃葉  
玉妃十五晞春花  
傳聞主人

亦丹頂素衣怕染緇塵影望中霄漢觸遐心話到園林發  
深省人生元鬢易霜侵誰歟華表千年音夢遇君真蘇玉  
局放飛我愧支道林

題宋四家法帖

小閣筵開墨迹存吉祥院落近黃昏古人似識今人意得  
入花園暮雨繁

時方  
積雨

疊賜君王玉臯駢據鞍還念故交貧斯書人妙其風古不  
數春秋借馬人

風雨浯溪三日留摩崖峻絕杖藜幽劇憐詩老千秋筆猶  
念平生秦少游

淋漓墨潘誤人多博士名高卦影我自謂蘇家傳晉法如  
何晚節叛東坡

送張星湖孝廉

廷鑑

北上

萬里文章貴三年驛騎光人麀方頌白君馬況乘黃吾弟  
定同舉雲松詰兄良可傷孟詞少時青瑣夢廣樂尙洋洋

題馬秋藥奉常畫冊四首

石高於馬送征驂一線分流作碧潭竹外四三家傍水尙  
餘強半似江南

數峯窈窕障空冥山氣多佳水氣靈約我來登樓百尺風  
松雪濕下方聽

宿雲收雨似脂凝  
逕轉松杉翠幾層  
每到溪山最佳處  
便思結屋訂良朋

半天淒緊響蒲牢  
水斷潺湲木靜號  
寒氣中人肌骨固  
獨憑雪檻俯江皋

題梁芷鄰儀部

章鉅

武夷游草後

詞曹不簪承明筆  
獨愛蠟屐遊名山  
粵從無諸闢荒陋  
有幾麗藻留人間  
越王石尊星斗墮  
李監篆刻蛟螭盤  
倚天摩崖一揮灑  
照耀東海驚百蠻  
尋遺宮殿感割據  
三十六所苔花斑  
搜奇攬勝殊未已  
武夷君迓層雲端  
朗朗玉山健濟勝  
出入煙霧雕脾肝  
旣窮紆曲狀眩忽  
諧於琴瑟熏

留春草堂詩鈔卷五

於蘭我聞笥河著神異

竹君學使自  
訂當爲山神

何以祀之其魚乾洪

崖往年亦登陟

雅存  
編修

清詩沁齒六月寒三君三山尊位業

而我下里安躋攀汀州甌閩之餘氣山時鍾秀人多頑黃

連孤塔隋甌壘烏村數洞曹詩刊君昔來遊遽歸去吾未

返里誰盤桓願君發興補奇句毋使僻遠山靈歎

吳清夫新營梧竹山房於鼇峯監院公廨

么鳳輕盈倚籜龍池東營室冠鼇峯臥疴已似龔君倩砥  
行還知邴曼容人意逢春听鼓振月明如水夜香濃若尋  
十六間陳迹聞隔疎簾只一重

鄉先輩雷翠庭先生紹承正學陰靜夫師並先君子

繼之伏讀先生經筵堂集敬題其後兼示吳清夫童

牧謙兩徵君

峩峩白水頂

山名福建與江西交界處

在邑西北隅峙立如端人積秀

如名姝開元建邑來千載生醇儒副憲承清德學與時俗

殊由榕邨

李文貞公梁邨蔡文勤公

而上宗程朱踐履在篤實誰云

仁義迂立朝屢建白皆蒙

聖人俞惜哉未竟用喪母旋亦徂吾父與吾師承誨謹步

趨小學近思錄入德之先圖師遺榮終老述著雄千夫

方刻

靜夫先生遺稿行世

吾父堅貞操金石不能逾晚受

知遇恩謝病志未舒父師倏已逝懷賢鬱以紆未及見副

憲彌復慙庭除昨開經筵堂三十五卷書文者道以載言  
皆行之餘利欲中心一變而空虛又墮釋老術周道失  
坦途豈知賢聖學倫紀惟勤求有本乃濟時非已寬民誣  
兼博古今典寧貽誤空疎其言皆自勵克治良益吾輩  
嚴屋漏敢耳食受膚聞流風而興定多紫陽徒

吾鄉文死寥落有懷先輩並傷亡友作四絕句

鄭仲賢先生

文寶

江關蕭瑟故君思行義艱難應舉遲賸有芳情貽我輩

山句與嶧山碑

先生緱山詩刻晏元獻謂有神物護持又傳二徐之學以所授嶧山碑刻石西安

李元仲先生

世熊

曹能始黃石齋相望霜騷壇遺草飄零翠墨殘片石欲彌

天缺憾至今雲護一巢寒石巢爲先生讀書處

黃癭瓢先生慎

唐縣浮屠大業遺幾經劫火銳如錐那能持作凌雲筆幻

出癭瓢老畫師塔塔經雷火邑有老塔劈出朽筆之謠

張大孟詞騰蛟

魯陽戈在氣如生風雨芸編共短檠少日同交天下士墨

卿名忝配詞卿

謁李忠定公祠

紹興三年公過寧化宿草倉古祠題詩云不愁芒屨長南謫滿願靈旗助

北征欲醉一杯揩淚眼燕雲何處是三京



靖康建炎一再失相公作相七十日人謀弗怨汪黃甚天  
意早生秦會之九哥那更兩宮慕獨有孤臣泣歧路歧路  
茫茫宿草倉西風古木聲悲涼腸斷燕雲復何濟故鄉父  
老壺漿意錢江潮信三日遲厓山海水千尺飛後來多少  
傷心事弔古聊摹揩淚碑

秋水園白荷華四首

一昨田田綠繞廊纖塵不染在中央初疑靜者雙鉤畫

陳老

蓮畫多署靜者軒

更笑南朝傅粉郎出水欲將心比潔臨風常訝

月能香練裙寫遍龍鸞迹爲語羊欣好製裳

橋南萬柄映霞裾似尔亭亭玉不如積雪數峯明太華淨

名五性悟佉盧影搖極浦鷗飛外香在中宵月上初若問  
皜然君子德詩會三復玷磨餘

往歲西涯近碧城看花走馬可憐生

京師積水潭荷花開時法梧門邀同吳穀

人洪稚存趙味辛張  
舩山何蘭士遊賞

幾回觴詠襟同素坐到黃昏眼倍明

朗朗照人裴叔則迢迢隔水許飛瓊而今閉閣橫藤枕粉  
蝶蘼蘼午夢清

水天一碧澹幽姿斜照林巒過雨時慰齒有香還雪藕通  
身不斷愛冰絲懷中月想周郎弄葉裏珠從漢女持倩得  
聽琴雙羽客花前翩舞縞衣宜

會邑侯勉耘

濟

常熟人甲辰進士令寧化刻苦有惠

政忤上官意抑鬱以死孤豫謙出示歸耕圖遺照乃  
爲題之

識字耕田夫無田耕豈易寫爲行看子想見平生志爲政  
之道亦如耘曰農有畔國僑云莠稂鋤去嘉禾存我公耘  
民亦已勤知其勤者惟吾民石田盤錯釜生塵屋漏明旦  
閭閻春望秋未成田畯嗔公已負耒終其身登進士科工  
挾策漢之循良古孝德安得斯人盡地力得之上官固不  
識吾亦爲農沒世矣題君此圖三歎息

武夷山歌和吳清夫

鯁生生長蒼玉洞武夷夢裏羣峯高虹橋幔亭插霄漢松

風爲樂雲爲濤祖龍二年大開宴人間可哀曲鬱陶武皇  
侈心崇祀典馳以中使乾魚臊十三仙蹤徒縹渺青山笑  
傲還吾曹有唐中葉權茶稅黔黎作苦黃冠豪君謨儒者  
亦復爾龍團製餅當時嘲 國家作貢極澹泊購自屬國  
梯航遙山靈半襍金銀氣但願四季生春苗役夫徵發動  
夜半誠恐藪澤藏逋逃亟尋淳熙舊講院躬負斯道誰神  
鼇

詠史二十首

蕭蕭易水筑聲麤獵獵西風壯士徂若使荆軻論劍術更  
教秦帝嗣扶蘇

龍疲虎困孰爲雄  
縞素興師自董公  
却與轅生同一轍  
不傳姓字況言功

宰割山河勇力憑  
老臣求去漢王興  
鴻門宴罷鴻溝界  
一太牢供間范增

杖劍微時解鍛鋒  
假王何遽得真封  
固陵期會逡巡至  
已聽長安夜半鐘

博浪孤忠報世讐  
書傳圯上轉陰謀  
姓名若紀留侯客  
高出專諸聶政儔

蕭相宜居第一功  
王燕私故詎勲庸  
乖如雍齒猶分土  
後裔應追紀信封

泚水傷心王歆臣乖劉違項志孤伸何如服楚仍歸漢夫  
婦皆曾事兩人

奪官曹宙了無尤先事原曾發產謀卻歎呂家誰請將辟  
疆家世墜留侯

魏其失勢事倉皇廷議誰如汲黯長我亦曲田偏袒竇千  
秋公惡是炎涼

洛陽才子世無倫學術江都似更醇功利漸消黃老進春  
秋大義究天人

長平侯易北平難戰幕功成禮數寬正喜大將軍揖客不  
歸霍氏又任安

河間文獻迴難儔遺籍淮南亦力求豈有神仙能叛主小山叢桂也含羞

畜牧遷於上苑中烹宏羊語直臣風翰邊不顧逢君惡欺與文成五利同

石家篤行類迂愚一洗申韓策士謨末世奸言文六藝禹光欽末盡名儒

心傷箕子去朝周富貴何常淚暗流可惜通經能極諫不如將種竟全劉

封還詔旨忤官家溫室人將白簡加誰辱弄臣天子聖申屠嘉遇勝主嘉

建言譏切鳳專權故尉吳門避地年史氏不知忠節重漫  
言梅福已成仙

單于思漢不知新閏位餘分十六春梅福出亡冀勝死可  
憐投閣著書人

真人覲面有誰知赤伏符文竊議時爲道國師名應識焉  
知非僕轉然疑

臨城草色困英雄浩浩滹沱浪與風鵠護井闌水渡騎都  
成帝業漢西東

勵志詩

銀蟾旣戀東金烏又戀西終古一聲鷄催落冰雪姿鍊石



自看真言金卷五  
思欲補流水不能腐方爲勞者歌已得養生主養生復何  
爲賢聖無朽期牛衣對婦泣馬革憶弟悲屋漏有師保夜  
氣行將曉爲君秋掃愁從我朝聞道

長江三首將之粵東先寄潘四容谷葉二雲谷

秋高未搖落西征慘不歡江水清且瀾曾照衰親顏鑑之  
雙淚下遺孤髻亦斑二老自粵歸霖雨行李艱三年更扶  
護雪花大於盤時尙有老母制淚言加餐母悲欲吞聲但  
道兒衣單只今在何許並臥高松山先隴地名根枯東閣梅芳  
謝南陔蘭跪乳羝猶毛反哺烏猶翰蒼天復蒼天能不摧  
心肝

太上能臣時其次不失節肯慙鶴乘軒今悟鴻飛雪祿養  
既已矣希榮慕朝列朝列多皋夔暫臥容巖穴金石  
交幾人屈指幾年別結言千里駕捫心一寸熱陟嶺想義  
高早梅含清冽

湏水與西江同流非一源

君恩與父德同負非一言無言踐牛迹實以隔世論患難  
遇知己夙世原弟昆贈策成我翼剪紙招我魂感此曷云  
報謂有倫理存相顧如性命毋忘到子孫一笑海天寬盡  
君酒盈尊

八境臺

七百年前處士星通天巖指隔江青重來廉水蓴絲細小  
別閩山桂樹馨人憶蘇陽攜手話樓收章貢倚欄聽時平  
拜將臺空迴擊鼓吹幽慶枚寧

下隴

蠶爾虔州石入水紛玲瓏虎牙伺舟厲鬣鬐閩江崇列圖  
鸛陣活潛甲魚鱗衷造物誠何心巧琢窮篙工篙工眼如  
獺踏浪身比狻人靜鳥斷鳴石水爭汹汹曲折纜難挽豪  
釐戈可椿初疑左右射漸似矛戟攻欲進故退之趨西先  
擊東建瓴試一擲頓落雲水空入坎更出險一笑猶相逢

夜泊

才掛征帆便計歸  
每經村落憶柴扉  
含情冉冉籬邊菊  
攪夢粼粼水上磯  
野戍風高吹漏斷  
昏燈夜靜見星飛  
茲行求友非爲吏  
已似羲之素願違

滇江

谷口陰森百丈牽  
峽雲似墨黯風煙  
只懸一片如珪月  
潭底魚龍不夜天

再到

再到羊城問路歧  
珠江斜照卸帆時  
中丞能作梅花賦  
宰相何嫌白燕詩  
西浦笙歌喧夜市  
南園風月歎朝饑  
久踈世事猶關慮  
惟願官多吳隱之

附

曾燠

淮南舊雨多分歧得子題襟如昔時秋水新圖輞川畫  
春風且賦羅浮詩我雖處世類鳩拙君不還山愁鶴饑  
人生離合豈能定有酒且同斟酌之

越王臺

翠巘經秋木未彫五層樓迴入雲霄梯航盛處生靈聚鐘  
鼓聲中霸氣消通漢使星占陸賈背秦前尉有任囂老佗  
舊事茶餘說臺下西風正落潮

九日葉雲谷戶部招同人白雲山登高

曉晴數笏鬱青蒼榕葉陰風未著霜再叩山靈攜兩屐罨

無秋氣感重陽珠江綠浣生番解寶劍光騰估客裝誰識  
幾年湖海別素衣餐菊又蘭房

同謝理甫太史

蘭生

尋葉花谿詩老墓

善病花谿叟何年臥白雲蒼山秋澗外涼月晚紛紛九日  
得新句先生應已聞曠然懷古者適遇謝將軍

曾賓谷方伯招同人雅集光孝寺

紺宇蕭梁見幾曾茲游何必到南能佛真定似澄潭月我  
亦閒如退院僧觴味有人追五子風旛了義徹三乘使君  
若問西來意貝葉重生大比肱

貝樹早枯  
時發一枝

王皆山

宗泰

招飲金氏聽秋閣

秋懷昌黎吟夜讀永叔賦皆於喧寂交領取蕭瑟趣山青  
水極天月白風鳴樹此時聽以耳牆角百蟲訴青女乍司  
令酷暑退何遽此時聽以心一悟萬象故我老興已闌君  
守良已固聞根靜商聲清夢落野戍莫放酒盃空側耳醉  
頭注

過粵秀書院懷故院長馮魚山大史

登龍門榜尙嵯峨

榜余所書

鄰笛風前感慨多此日眞成人殄

瘁當時已慮影婆娑

傷懷

浩浩元亭酒

以酒致病

歎逝汪汪叔

度波五嶽遍留陳迹在鞭鸞天上更如何

白雲之遊與謝理甫劉樸石

彬華

兩太史葉雲谷戶

部子羽山人並坐蒲澗石上山人作圖紀之

泉聲遙應海潮風小坐聊叅入定功  
踏澗躡雲渾似少不知圖出已成翁

葉雲谷屬吳白庵呂子羽合寫枯木竹石

滿堂豪翰酒千鍾坡老風流墨較濃  
枯木逢春原自好何如修竹不知冬

題張南山孝廉松石圖用昌黎山石韻

倚松奇石晨光微老蛟鬱律秋雲飛  
科頭把卷者誰子吟詩不瘦味道肥  
西銘有砭吾黨重南園以降斯人稀  
爛斑威鳳勤遠覽婉變季女愁朝饑  
九年突來千里客便借月



色開柴扉素心適逢銀燭剪清言都比玉屑霏載尋松石  
了無見但有萬卷將身圍乃知曠懷特高寄萊綵昨浣京  
塵衣吾生愈深金石癖於世暫脫名利鞅松貞石介良可  
法試問遠客何如歸

同王見大

文話感舊

十年江海垂垂老九日壺觴黯黯思百遍酒場千韻語難  
忘人日和陶時

黃香石明經

培芳

來自羅浮題贈二首

四百峯頭弄月明飲余一斗夜泉清誰能開闢洪荒後肇  
錫羅浮粵嶽名

青鳥飛來豈有期  
彩霞爲帔蝶爲衣  
多情不獨嗤吾輩  
看老梅花仙未歸

寄子羽山人

送爾登臺望情知  
不易還寡言成老  
輩閉戶卽名山  
畫理深宵得琴心  
竚月閒顧余皆野  
鶴毋阻海雲灣

賓谷方伯建仲翔先生祠於虞苑遺址

天發神讖碑已災

江寧府學中吳碑嘉慶十年燬於火

交州遷客叢祠開三

分江左得一鷄偏投瘴  
厲填溝壑諫獵何殊馬  
相如狂歌不逢陸大夫  
朝愁蛟鼉暮豺虎先生  
注易多憂虞白馬西  
來踏虞苑秋蘭遂闕寒  
泉盥韓蘇未到早窮經  
祀君不但

傷飄零生非達觀思弔客千秋却遇曾方伯豐碑不用鍾

體書

時以隸書碑

定有奇光照天碧

韓桂舫中丞招同曾方伯陳臬使

若霖

楊監司

煒餞

飲粵秀山次韻

元戎移小隊索筆寫溪藤得句第三首坐予最上層酒杯  
山翠滴歌扇海雲騰欲別且難別不知新月昇

同雲谷宿倚山樓話別

昔別聯床風滿樓今別扶筇白雲麓十年心事燈熒熒一  
枕松聲風謾謾百蟲響斷孤月出如練珠江遶山曲扶胥  
口直黃木灣一氣蒼茫動遙矚開門聽泉落脩澗掃石驚

禽宿深竹飄來清磬各無言坐到天明意良足人生幸免  
七二鑽處世難圓三十幅山川重結詩酒緣歲月不待蕭  
閒福日歸日歸山下去滿城曉夢猶焦鹿

雲谷送至白沙

東棹西帆頃刻分別仍如雨水如雲此行未斷南來夢半  
爲羅浮半爲君

陳仲卿索題梁子春

梅藏書圖

子春有見仲卿友少年勵志期不朽下帷董子勤三餘入  
市王充富二酉况聞典釵出慈母敢不敏求毋母負孤亭  
浴日滄海濱仲卿同望三山神遲爾眼穿扶胥雲侍母疾

以割股聞嗟哉子春篤於倫抑古禮經未有云爾病病母  
身母身嗟哉子春何必然行奇則過庸斯傳希爾與母疴  
速痊侍母勿讀范滂傳爾考待表瀧岡阡

蘇邨舟中

未了萍蹤泛小舫江山如舊髮星星散仙寧有丹砂慕但  
約羅浮到眼青

望羅浮同陳仲卿時方尊之曰粵嶽建祠焉

海天夜半風雨作羅山浮山示前約華首臺中五百僧子  
日亭邊一雙鶴當時蓬萊割左股五丁一叱潮頭涸暗虎  
導我觀鑿痕丹砂明處空青落四百三十六芙蓉石樓鐘

磬吹寥廓白雲繞空仙蝶飛泉紳噴薄愁行脚伊維五嶽  
寰中尊洞天南紀神靈託允宜粵嶽加尊號作配岱華嵩  
恒霍良辰修祀羅浮君薦以山泉降福博橫空青壓帆檣  
低霖雨欲來有聲霍何當攜爾策枯藤共餌黃精採靈藥

過惠州

大水頻年認漲痕孤亭野吏跡猶存一尊父老流連酒十  
載

朝廷涕淚

恩新尹都來諏鄭俠諸生追送有何蕃  
高要何叔度秀才元追送至惠州  
瘡痍未復秋收歎詎忍蕭閒說故園

與陳仲卿遊豐湖四首

又向城西喚渡船  
堤痕塔影碧於煙  
已登高閣雲霄迴  
更步迴廊竹樹妍  
百歲難消半湖水  
六如真悟四乘禪  
言尋舊日題詩處  
墓草蕭蕭傍晚天

裏外湖收夕照亭

亭在豐湖書院

羣芳爲逕翠爲屏  
經師曾禮水

銜貴

庚申至壬戌延宋芷衡太史主講席

髦士聯探桂苑馨  
壁上蛟蛇看宛

轉庭前香火愧忪惺

去後惠人關字惟應月白風清夜一

院松聲獨自聽

晴日胎仙似可呼

招鶴廬昔予所建

牕開明瑟畫難摹  
却拋一對

揚州鶴來坐三間  
湖上廬海氣消時  
雲澹蕩山痕斷處  
水

縈紆方叅狎玩支公語磬落疎林見月孤

羅浮分得葛洪家湖上丹臺閱歲華仙蝶豈知今日恨佛  
桑猶發去時花小編漁舍沈雲濕新築農場界水斜盃酒  
莫辭殘夜醉一鈎涼月送侯芭

湖上懷宋芷灣太史

湖山佳處總題詩筆研忙時酒盞隨古有天人君獨秀漫  
言多士我猶師廬難招鶴風流盡題壁詩俗吏以迎達官故用粉塗之樹已  
成龍歲月移欲寫離愁寄東觀星高北斗到然疑

江邊

古戍荒憑叢竹西三間茅屋酒旗低江邊樹染新霜色也



學山翁醉似泥

聞馮魚山曹長鄭貫亭侍御

士超

俱祀鄉賢

一夕兩亡友同升夫子堂猶思分短榻誰道望宮牆德以文章貴人於豸繡光箴言不可復顧我慎行藏

藍關韓文公祠用公山石詩韻

在惠潮交界處龔秦地名

石泉冬涸琴聲微古榕蕭瑟寒雲飛關門太古未見雪但有梅萼經霜肥貞元大儒祠廟古粵巫信鬼祀者稀惟公闢佛拒祈禱而我瞻拜同渴饑建言衛道敢辭竄猶幸裴相居綸扉鱷魚文終仗神勇鸚鵡賦詎留煙霏

潮州鸚鵡賦石刻傳

爲公書而其體不類唐人

量移袁州再過此早衰腰帶知減圍茲來媿

乏蘋藻薦獨拂蛛網脩垣衣惠州亦來蘇玉局如鶴鍛翮  
騏受韞二公平生所師法古如可作吾誰歸

久客憶弟

久客畏寒驟江程風雪來水車冰作軸丹竈玉爲臺酒店  
孤村外浮圖斷岸回故園知令弟思我望梅開

興寧江口夜起看月

短篷囊牖頭常低灘聲激激身眠溪篙師宵炊煙倒入擁  
衾收視神固臍推篷仰見山月白如鶴孤掠銀盤西神魚  
跋浪亦不睡琉璃千片寒光齊蕭蕭翠竹障風露粲粲白  
石澄沙泥場中穩滯喜嫠穫林間燈見知巖棲一身高曠

孰偏仄待東方白聞邨鷄

梅州山行

誰劈巨石臨深淵太古之樹盤其巔小石猗猗不可數補  
缺遙峯寫媚妩幽巖斜露叢竹門一龕古佛承梅根淵中  
有蛟噴涎黑散作泉紳如練白山容摩詰不能摹朝暮雲  
霞變顏色

宿田家

牛背溪南笛炊煙散遠邨石驅平水怒松讓主峯尊落日  
人爭渡疎林客到門田家新釀熟話見本根存

過新泉張警庵先生故里

先生名鵬飛祀連城鄉賢爲江儒之冠

正學薛胡紹叢祠俎豆宜霜楓寒照水雪岫霽當籬門合

題通惡碑真無媿詞

翠庭雷先生撰

粉榆春社近吾道更何之

同牧謙遊冠豸山懷童寒泉先生

先生名能靈祀連城鄉賢

高館抗峯疏峩冠正士如誰先開石室我欲老經畬泉脈  
來天半心源接古初緇黃曾未占應讀考亭書

### 到家

辭家秋月明別緒含酸辛到家冬日煦離合如環循吾弟  
及妻子歡愛難具陳開我舊草堂接我平生親親賓競笑  
語喜我歸抱孫呱呱文祿中便期光大門乃祖媿德薄亦  
望培本根之無字豈識赤子心宜存此子似有知視我雙

瞳仁惜曾祖父母不及見此人回頭語老妻已非少壯身

留春草堂詩鈔卷六

寧化 伊秉綬 組似

梅花四首

南紀罕逢雪高花得氣先最明臨水樹悄立薄寒天短笻  
攀枝側崇臺墮月圓殷勤語雙鶴守此亦良緣

鄰寺鐘聲動蜂誼入密叢橫枝寒倚竹冷蘂笑凌風色間  
燕脂染心將鐵石同春來何處所多半小園中

歲暮葆寒素芳風有所思孤山環水放萼綠與仙期高格  
入詩品幽香沁酒脾一從春信及市月閉門宜

明月灣頭月梅花邨裏花

灣在豐湖邨在羅浮山下

照人猶冷落留影

總橫斜茅蓋三間屋爐煎七椀茶檢餘東閣句只是憶天涯

四松用少陵韻

前歲移松四肩至驚倔強羅植小山下童稚爭比長旣愁  
烈日損復慮寒威傷三年啟牕櫺宛宛蛟虬藏騰鸞豈有  
意奮迅不及防青辭俗眼白濃蓋庭柯黃儲尔大厦材適  
際時平康不爲廟廊用便蔭君子堂嘉賓過延譽酌酒吹  
雲涼咸云盤根固逝能禁雪霜梅開佳句覓竹暗瑤琴張  
歲寒幸不孤名理叅微茫坐思汗漫遊平生不能忘三冬  
徂徠秀千尺田盤蒼

園柳

園柳黃如此閒階長碧莎又看春漲盛不柰月明多牆外  
粉蝴蝶花前金叵羅醉眠牕易曙百鳥盡情歌

上制府汪稼門先生

志伊

天民樂畎畝良佐憂盛明憂先天下殷樂乃循環生公耕  
龍眠山適值時之清未知節鉞樂惟內重外輕樂徧在黎  
庶穀賤滄海平民旣洽恩威天亦鑒忠誠龍眠極天秀霞  
鬱而雲蒸鍾醇儒衛正亦大猷允升方望溪先生劉耕南徵君未施  
設我公善持盈學不本賢聖勲立猶空榮

小琅玕館



一竿已過牆千葉響迴廊留得初春氣能藏明月光調琴  
陰欲合解籜粉猶香有實生高節留將飼鳳皇

青草塘

燕子塘西路春風青草生離於天外思愁向雨中成一士  
袍同色荒陂水有聲坐茵吟未穩秣馬又長征

汀州

不及寒梅曲磴開水南流處綠如醅芳馨滿抱州名美婉  
變曾游古日回繼軌程朱扶正學楊子直先正論兵漳贛  
救時才謝公樓上青山色懷古先須酒一盃

寓樓對酒寄吳清夫

慘綠衣人華髮來少時懷抱若爲開桃花春色好於馬竹  
葉雨香濃到杯寒夜記同吟石鼎故交何在半泉臺

謂孟詞進

士翻憐季重安禪榻榕樹搖牕月浸階

### 蒼玉洞

彼蒼者天關山骨孕千百石青銅色若有人兮黝而黑昂  
藏偃蹇紛墨墨神仙上界足官府水蒼作佩其製古邑黔  
心頌子罕仁削爪面笑皋陶嫵天公不欲早炫奇北宋客  
始來題碑巨鼇思竊置海島定光古佛嚴扃之峯回路轉  
時然疑徐證艸角曾遊嬉當時遊侶都零落剔蘚獨誦摩

崖詩

故學士朱先生視學時有石刻

城門嶂

疏峯青半天六時馬頭見雲氣所摩盪晴雨昏旦變上晴  
下或雨陽向陰亦面設險幸時清作鎮降福徧烏巖衍族  
繁蛟湖人鏡倩偉哉崇如墉處高非自衍蹟秀多松篁鍾  
靈生俊彥植節李侯稱著書鄭公先仲賢元仲兩鄉賢故里相近想當  
千百年藤杖芒鞋踐而我生苦晚尙友等親串何況卜先  
塋先光祿墳山以此爲後嶂戴若冕與弁仰維主峯尊敢詡看山便山  
凹蒼然深知有清閼殿孔時修祀事敬切溪毛薦

花朝作

雨摘籬邊筍晴聽郭外簫年豐惟有醉客至不須招投老

田園遂含情省署遙應劉初未逝曾共讌花朝

甘竹登舟

小園春未餞甘竹鼓頻聞山面疑青嶂江心亂白雲曉風  
楊柳岸夜雨鷺鷥羣老去難輕別墳簾櫳又分

遊麻姑山

謝客未修蓮社福爰賦麻源第三谷魯公刺郡留清愛仙  
壇書就麻姑拜撼安抗李筆力橫更借麻姑鳥爪成茲書  
何如遺教經涪翁之論吾不馮欲尋片石雲如織山靈苦  
秘神仙字蒼松盤鬱石骨堅從姑遙侍青一拳上方鐘磬  
三時發瀑布琤琮灑白蓮

有感四首

連雲大厦燕翩翩人去巢空十二年後死自傷前度客况

聞哀笛感鄰船

章石樓刺史

往事飄風孰與論春殘宜廢酒盈尊憐他手易西鄰竹赤

脚吳娃獨應門

吳白庵廣文

枉馳書札慰官休痛飲禺山使節留莫問履聲天上繼晚

風寒雨過南州

裘可亭尚書

生成畫餅詎充饑蘭以膏焚悔可追地下若溫忠雅集偶

忘求仕兩篇詩

蔣蕩舫明府

南昌贈張古腴太守

敦仁

二首

緜緜洪都近故鄉少時遊覽幾迴腸  
三王人以詞傳閣九  
派天將水作疆鏡裏魚龍愁北渚  
雨中樓觀說南唐萍蹤  
何意逢知已銀燭青燈酒共嘗

百花洲上正花殘六載瞻顏尙渥丹  
湧道譽兒同馬癖劇  
憐衆母覆雛難雕弓射雉春郊暖  
錦帳譚經夜閣寒明日  
卸帆何處所又勞書札勸加餐

贈立凡方伯

交情同感看花先

先君與尊甫同年進士

看竹西曹抑後緣

使命

馳驅半天下道心堅定到中年  
江風吹月蘇卿宅廬阜生  
雲左蠡舫一夕淹留相勉處  
舌蓮根淨意珠圓

立几席上次宋于亭孝廉

翔鳳韻

芳讌開時澹月生依然美具更難并  
五星宜聚南州夕十載曾知小宋名  
飽看青山真眼福漸刪綺語鍊心兵  
詰朝一舸浮彭蠡約見匡君晚翠橫

望匡廬

敷淺原邊嶽軒天紫翠重九江實多派  
五老云何峯結社古誰在爲儒今孰宗  
翩然挂席去猶及午時鐘

同王小梧秀才

渭尋白蘭寺滕王閣故址

江雨瀟瀟黯畫梁倚樓難得趁斜陽  
白蘭復古成雙閣麗藻帝君作四王  
湖上釣魚高士宅軒中寫韻美人粧  
近來

欲學香山老怖鴿無心揀樹藏

鷹潭

派尾靈茲水春深黯黯湫老翁猶怯渡稚子敢操舟山勢  
來龍虎星文動斗牛此間騎赤鯉應達鳳麟洲

玉山縣懷丁少溪司馬

如玉

數峯削玉浸玻璃古驛樓高小住宜午睡灘聲春枕急雨  
姓雲氣抱山癡暮年捨宅閭公達

普寧寺本邑人閭立本故宅

四海論

交鮑子知望似崇墉心似水故應父老至今思

少溪昔爲令修城極

固有功於民

下瀨宿胥口二首



嵐翠滴青衫輕裝下瀨帆鳥飛遲峻峽泉響奮虛巖東漢  
臺何處西山日半銜狂奴多態度只恐白雲緘

暮色踈鐘外蒼然胥口灣鷺爭沙月白人與瀨雲閑酒甕  
家家有漁燈箇箇還來朝弔皋羽清極富春山

嚴先生祠堂三首

元纁三至出非難地遠中原去亦寬秘殿宵陪銅馬帝姓  
江晨把釣魚竿

青山黃屋百年徂耿鄧勲名世豈無若向少時論志尙故  
人猶羨執金吾

斜日朱髻泳鏡函繞臺寒翠落空嵌劉家尺地今何有一

郡溪山尙姓嚴

下瀨示堦潘漚東

恭淮

山水絕佳處羚羊峽裏遊半生春雨夢下瀨木蘭舟勝境  
遙相引豪情老更柔古稱梅氏堦高節表千秋

西湖行柬吳穀人祭酒魏春松戴金溪兩曹長

昔年走看湖山冶今日湖邊住蘭若仙人自昔好樓居今  
日樓居湖上頭白堤蘇堤紆可愛汴州杭州增感慨感慨  
何如發浩歌岳墳于墳春草多春草緜緜思遠道何似杭  
州故人好故人相見重論文亦有方外隨閒雲小石僧買  
魚沽酒樂上樂湖光漱豔盃中落裏湖月向外湖明北山

嶺樸南山屏一幅水綃收不起櫓聲碧入湖心亭

次韻訪釋小顛心一

心公棲遁處天外水雲分孤鷺走湖氣遙峯明夕曛歷將  
詩老數不與衆僧羣丈室閉脩竹從君靜見聞

韜光次香山韻

竹色綠成海唐餘開士家陰沈林表日香郁洞中花坐久  
譚禪悅風清試茗芽左江右湖水欲辨眼麻茶

虎跑泉次東坡韻

晨光初動草芽香夾澗松杉五月涼可有毒龍歸鉢隱何  
年神虎引泉長蓴絲人饌撈中沚鐘響排雲出上方小坐

石牀閒試茗三生贏得一甌嘗

晚過十八澗

金烏曉晚下西林古木叢篁細作陰十八澗流雲外響紛  
紛虎迹印泥深

贈梁山舟

同書學士丈

舊里題通德苔滋合抱槐鳳皇山極秀宰相系多才竹色  
涼基墅江聲落講臺乞言今九十清淺話蓬萊

觀黃小松遺畫慨然題句

湖風吹面柳絲牽月帶香來正放蓮四十三年人化鶴尙  
留孤影斷橋邊

同許演生秀才

乃普

小石開士遊赤壁庵尋半閒堂

故址遂越巾子峯攬黃龍金鼓紫雲諸洞

襄樊百戰人半閒懸崖鑿石羞山顏如來瑪瑙坐月冷美人蟋蟀同霞殘攀蘿直躡層峰峻望見江潮感潮信青山有缺洞雲補黃龍竟化枯藤古摩霄石中別有天石罅幽泉響金鼓金鼓峙兮紫雲飛就中一縷疇昔歸

洞口一石辛酉年由

峯頂

落下爲樂爲樂富及時山花山鳥莫我違招邀勝侶詩僧

隨斯樂但恐平章知

贈同年朱根石明府

上林

右軍曾誓墓重肯抗風塵惟有湖邊客能知林下人深盃

敢辭醉薄宦不言貧南省思同讌悠悠三十春

寄贈張芑堂徵君

燕昌

盛漢崇徵辟高名後世馨更誰躬質行有子抱遺經世壽  
靈光殿人尊石鼓亭相思不相見秦駐送遙青

次韻酬釋小顛

藏竹深深一草庵詩壇七代指湖南花幃且脫金鈴護禪  
味還將玉版參廬嶽陶公辭白社後山弟子續叢譚斜陽  
又泛清波去回首雷峯也半酣

雨中留宿行庵示小石

朝霞愁雨十八九坐看山雲背湖走須臾瀟瀟打篷破雲

如墨瀋垂湖大水驟平橋毀橋過層巒出沒蒼煙橫煙一  
斷處聞鐘聲尋鐘得岸見茅舍一佛一僧半龕借沸耳松  
濤澗底生沁脾瀑布牀頭瀉中宵疑雨月入扉樓闌影壓  
藤蘿低恍如太古還嬰兒昨日已過失先迷惟我與子甘  
藿藜不知身在西湖西

再游西溪

小艇浮煙綠幾層又穿孤竹踏桑塍重來人狎前溪鷺枯  
坐心成九夏水草閣夜闌僧撥芋竹扉月暗鼠窺燈蟲聲  
似欲催行脚策杖看雲我尙能

遊交蘆庵至秋雪庵而回

農家結屋兼製舟十三稚子操之遊高僧無舟卧北牖雲  
水蒼茫幾回首入門榜書董華亭庵名誤讀楞嚴經之義  
本出楞嚴董書誤交作菱八功德水滌我垢三寶妙相鑒我誠桓元一  
廚啜茗話古墨如漆新梅青板橋一逕入脩竹十八里溪  
知幾曲蘆灣不見秋雪飛到寺回舟意良足

### 花隴

花隴絕無花萬玉驅炎暑翛然水檻清乍可名竹隴蒼雪  
落簾夏綠天失庭午山泉響瑤琴遞奏不可覩僧廚贍鹽  
虀佛閣謝華廬北牖羲皇人南舍漁樵伍安能辭此君一  
官湯求補



與小石夜話

三宿桑根豈有謀  
繩床欒拂雪盈頭  
溪光隔竹渾疑月  
木葉吟風早似秋  
放下應從留下悟  
勞生總爲衆生愁  
請移如豆踈燈影  
門外飛蛾苦未休

秋雪庵

濕翠流雲白蒼茫  
水氣虛舟穿叢葦  
過鐘發亂蟬餘客意  
秋期近僧頭雪上初  
經旬蔬筍味不羨釣竿魚

留下四首

竹外飛虹入晚煙  
猶龍松勢欲參天  
臨安輦道餘杭接  
留下匆匆六百年

龍井先經天雨墳又看樊榭墓碑新不知地下曾知否古  
木斜陽再拜人

溪雲將水故流遲杜若灣環馥曲湄深竹定知藏蟹舍桂  
林漁網似蛛絲

男忙魚蟹女忙蠶獨有僧眠彌勒龕何事沿溪行百遍竹  
橋吟過石橋南

別小石

罌粟新紅映竹斜江公祠畔錦圍家知君雪後還思我千  
樹鐵梅開玉華

陳仁山同年臬使

觀

以令祖凝齋先生撫琴遺照出

示敬題一首

枯桐一上膝便見古人心況是聞知者清風留至今天高  
海山遠月白江水深伊予生苦晚空向圖中尋

題友人騎鶴清遊圖

昔年守廣陵亦養鶴一隻每當鶴饑瘦輒憶民勞瘠七邑  
五歲漭至今心恒盡爲鴻哀嗷嗷爲鳩重悽惻倘有十萬  
貫亦足資民食君時宰鄰境助我感中澤匆匆幾年別去  
作揚州客揚州市中兒嗤鶴鍛兩翮彼鶴萬里心毛羽況  
潔白豈與鷄鶩爭亦恐鴟鴞嚇寄聲鳳凰游覽輝慎所適

藍一枝明府

桂

招遊弁山龍華寺

野老濃陰憇能言茂宰花觀風聽雉雘選勝到龍華門對  
羣峯正泉將萬竹斜壁間故人句刻石當籠紗有雉存詩刻

長興縣

一葉浮沉茗霽間更教訪古畫溪還鷗岡特秀謝公墓鳥  
識猶青陳帝山連境太湖天可泛入城孤艇夜無關安能  
桑柘稱翁隱習習清風十畝閒

戴金溪曹長敦元過予西湖厲樓披案頭故人之書

而得張孟詞手蹟援筆跋之情餘於詞感賦一首

敘雪清才玉署仙醉翁門下感當年春風走馬花兒市在崇

文門外極東與西城居者相距最遠孟詞館此惟金溪與予數過之夜月鞭鸞兜率天況是

故人同慧業，湯勞小字注。殘牋扶容初，放明湖水未抵荷。  
香一過緣。

西湖寓樓看雨

風雨漫天獨倚闌，兩峯如晦急飛湍。湖心亭子微茫裏，聊  
當君山一點看。

贈張夕庵

峯

妙手神摹古，含毫細揣摩。異書才子讀，子深丁卯解元奇壽畫師  
多。我愛陶貞白人推張志和金焦青，數點欲泛小舸歌。

趙北嵐明府曾爲言臘日遊焦山訪借庵僧因賦

當代趙明誠來摹瘞鶴銘，况聞僧不俗。相對客爲星雪意。

沉沉釀山容黯黯靈予時在何許草閣閉寒汀

臨江閣病起

沉沉風帶市聲霾卧病驚聞葉落階一握刀圭半瓢水起  
看江海盪曾懷

題陳受笙孝廉

均

行脚看山圖

踏雲愁濕雪愁寒躡屐能周五嶽難倘得蘇門棲遁處一  
山卽作一生看

寄尤水邨

八十安眠食天心厚隱淪吟成梅子熟畫到草堂春風雨  
思君子江山是故人應憐行役者秋暑滯西津

張舸齋

鉉

夕庵昆仲招遊焦山示借庵僧

巨超

日月兩丸跳終古金焦點黛浮江渚海門晝姓走風雨神  
魚跋浪老蛟舞山僧撞鐘播法鼓須臾風定松陰午估舩  
剪波力如虎我亦松寥辨荆楚巨公今之支道林故人已  
死誰知音稚存摩鼎輒思象齒戒拓碑枉奪龍宮深洞門落  
日黃如金往觀三士皆同心山腰礪砢石將落一石已落  
古藤縛攀蘿步步增錯愕勝遊胡爲轉不樂放眼秋清入  
寥廓

松寥閣是昔洪稚存宿處

壁上榴皮在仙蹤不可尋曾穿管寧楊竟斷伯牙琴孤枕

江聲入虛堂海氣侵那同古梅朽自然庵前朝梅樹半卧入江者近年已死名  
指極天岑

玉山普寧禪院爲閻立本故宅

鹿苑王維寺香山白傅家於斯抄畫稿今日尙庭花金粟  
圍臺峻水溪抱郭斜經時重過此只當浪淘沙

贈汪星石鎖光三首

夙世有慧業胸中生洪爐高言發深情啟佑非詩書常懷  
來者慮不爲古人思登高作賦外習射彈琴俱長江水之  
大小龍山之姝此間有靈氣吐納資清虛

同甫志匡時子靜譚名理考亭尙力行所戒惟口耳約心



在爾室放筆無涯淚峩峩尙書公門令祖稼先生慎獨經綸起少  
壯勤述著歛華同一軌當世幾奇才懷哉三公子謂其叔均之與  
之

東坡去汝潁似小兒避塾我行抵信州看山殊未足之子  
況心儀旣見遂欸曲文驚阿閣鳳寶此豐年玉改弦昨朝  
論燭照而龜卜會當登廟堂建言蒼生福而我宦情澹親  
沒尙干祿以此行遲遲不止亦不速到處求箴規庶免鵜  
梁恩

遊龍虎山二首

西江浩蕩壯南征明月秋高近碧城能役風雷知道力不

言符瑞際時清桂花天闕黃金闕丹氣雲流白玉京誰識  
先人傳辟穀張燈開讌話文成

峻絕雙峯對闢門如林頑石勢騰騫秦皇鞭處都奇鬼道  
士憇時拜老龜北斗七星臨上界西流一水認仙源延千  
六百年香火漫引通家擬後昆

秋水園梅花八首

梅信微茫動遠情道人能共景淒清水邊竹屋霜天月琴  
鶴一時都有聲

衆藥將開俟日暄巡簷却是最宜寒東君細酌枝南北要  
與詩人次第看

生性禁寒又占春年年惱我亦前因一枝乍放雪初霽不負月明能幾人

寒雀朝喧鐵幹葩月初無色玉無瑕任教絕妙華光手難寫仙人萼綠華

拋却殘書索笑忙過橋無伴立橫塘斜陽似勸紅梅醉一陣風來帶酒香

妙句長吟竹外斜四山雪意落寒家只言梅古開尊賞玉色翻憐手種華

瑤臺玉立萬千妃皎皎臨風豔一時別有來從真臘國也應封作小閼氏

那惜三更坐月斜矮牆曲檻影交加須防風雨來朝急折  
入軍持護碧紗

赴郡憶梅東李許齋太守

東風先借小園梅玉漏丁冬驛騎催一樹半開人便去昨  
宵孤立鶴猶猜且將寒色籃輿領更遣新詩野店裁正是  
長汀千藥放清香端爲使君來

許齋太守出示先師朱文正王文端二公遺迹

循吏傳中君特卓大賢門下我同登諸天位業今何處二  
老風流感不勝展卷蹟珍丹鳳羽愛才心在玉壺水焚香  
難得虛堂對百本梅花一穗燈

將之粵東先寄蔣礪堂制府

攸銘

韓桂舫中丞四首

三度嶺南役一年春事初沿溪自花柳小艇半琴書鷺影  
頻疑鶴鶯聲似起予深林歌不斷吟賞得相於

華髮何由黑春山一笑青疎花誰點綴老樹亦娉婷慣客  
舟人喜孤村社鬼靈清晨聞打鼓宜醉不宜醒

貢鉢近聞溪惡洶洶水勢衝據津纔猛虎跋浪又飛龍昨  
者霖初漲超然險幾重更能浮遠岫飽看削芙蓉

久狎漁樵侶來爲節度賓道存寬禮數身賤諱交親蠻俗  
因時化元功到海真浣花溪可築忍棄故園春

江行見桃花寄雲谷諸友

江行見桃花信美非吾家吾家有花豈無酒戚戚兄弟開  
笑口高花對舞鶴雌雄乳燕斜飛花左右見花出東牆輒  
憶吾園穠更香見花綻西陌輒憶吾園紅以白有琴有書  
草堂春一羊一求寧多賓爲籌簪帽流觴巡醉乘斜陽卧  
花茵雨亦來思折角巾三年移杏藥纈新此藥定開思遠  
人遠人別爾心猶戀上灘下灘風拂面粵東故人隔嶺雲  
閩南故人異鄉縣吾聞越王臺上木棉紅半天秋花尙欲  
爭春妍倚山樓倚白雲  
仙邊漱珠橋對海珠名寺圓清尊待  
我酒十千春歸佛桑如火然荔支灣頭荔子鮮政恐消夏  
難言旋人生百事都隨緣游思不戒繭自纏且傾卮釀篷

管君耳堂詩金卷六  
七  
聽眠

灘聲

灘聲上枕舟行早車影橫江水勢灣用盡篙師辛苦力始知竹外草庵閒

韶州琴興

西山再三歎琴亦鄭衛音

先儒真氏之言

而茲枯桐枝可求古人

心何必天風號又復海水深浪江雲千疊曾覆南薰琴昭文嘿而息欲奏仍侵尋古人已遠矣若將見於今

清遠峽口

石骨玲瓏古木黧箐深人靜怪禽啼山如奔馬臨江勒雲

逐輕鷗出峽低微雨晝迷峯向背晚風晴漲水東西何當  
更訪招提壁歲月真堪紀雪泥

過三水縣感賦

斷岸樹如薺浮江山亂雲一春行欲暮三水此焉分慷慨  
登樓賦精虔誓墓文勞勞于役處可似右將軍

元巳日韓桂舫中丞招飲

沉沉夜漏罄新歡此夕全消行路難元巳那看秋桂白桂粵  
春故人猶是壯顏丹心期伊籍論交固詩到韓翃欲和難  
我醉渾忘身老大木棉花發擬先攀

附

韓 封



好踐尋春約思君十二時因憐攜手近翻訝欸門遲帶  
水紆孤櫂風花戀舊枝三年兩相見曾不鬢添絲

寒食日曾賓谷方伯招飲

少聯詩社老逾親海畔重逢筆有神行省中書過寒食同  
年進士作比鄰胡茂甫森細添沉屑琴尊夜却憶穠花鄠杜春  
記否昔曾修稷事紅橋攀得柳條新

贈胡茂甫同年三首

孰登鬼錄孰卿班莫歎相逢鬢已斑九十六人天上讌幾  
人攜手賦蕭閒

養性桓元畫一廚鄴侯插架更何如麻姑山下三間屋未

必能容手校書

波羅廟古障斜曛蒲澗攜將滿袖雲須踐七年前舊約秋  
清同謁武夷君

題韓文公畫像

召用殊坡老生還勝魯公天教文一變吾見日當中編戶  
韓名子膠庠鼓奏矇陽山留片石瞻拜四方同

胡茂甫同年招飲賦南方風物之異

朶朶梅開葉底藏木棉流火照銀塘百花影裏持螯醉二  
月中間有桂香如此春光誰忍負况逢舊雨足相羊離支  
春酒熟知何處柳外樓高指夕陽

宿倚山樓用東坡蒲澗詩韻

樓棲木末水簾前  
卧聽蟲聲答響泉  
南斗白生無月夜  
佛桑穠發落花天  
碑臨坡老難裁句  
人似維摩總解禪  
何用如瓜思食棗  
頻年蕭散漫疑仙

江石生

之紀

見示白圭詩集題送北歸

生花傳筆枉工愁  
飄泊同驚歲月遒  
四海惟君江海士  
八音獨石古音留

君有句云石留古音在

夢聞雅奏韶州夜  
調變悲歌

易水秋正喜重逢  
尊酒話晚潮催發  
木蘭舟

曾賓谷出示高江邨西溪圖

生長西湖人西溪  
或未識君雖曾識  
之樓臺起無力江  
邨

遺此卷展讀紅塵隔昔聞閉松筠今尋半荆棘百年再繼  
君心固無物役吾遊桑柘陰幾閱風雨夕遐思萬梅樹無  
月照夜白君老從兩僧水邨及小石

交蘆庵僧水村  
行庵詩僧小石

### 歸思

乘興來遊亦有期五羊城外百花飛貝多已訪虞翻宅  
蝴蝶難攀鮑靚衣賴有醉顏能飾老斷無春夢解忘歸  
故園雪後才開樹聞結青梅幾許肥

### 同葉雲谷宿倚山丙舍話別

松林自寂寂白雲何英英雲朝隨泉飛夕復爭霞明天風  
海濤間常護青山青緬維花谿叟潛寐總不醒未調冰雪

句梅花懷芳馨木棉旣已落新蟬亦以鳴高樓約令子半榻同挑燈聽松儼尋夢彈琴不成聲悠悠雲中別奮翅凌滄溟

韓中丞作珠江春餞圖送予賦詩有此行後會知何日寥落天涯一故人之句情見乎詞感賦一首

寥落天涯一故人極難節使與情親仲連竟作平原客王翰終需杜甫鄰珠玉連篇真厚貺鸚鵡相昵總前因誰從三十年餘悟寫出晴江最好春

歸舟寄葉雲谷農部

前歲名山到處探踐來陳迹了瞿曇此行已似他生晤旣

別猶追半日譚解纜後阻風白鷺又承攜尊再送會約雲泉重抱被應知  
香火本同龕蒲帆一掛人千里涼月紛紛鷺影南

滇江寄會賓谷方伯

峽雲白千重深綠失珠海如何別之子晝夜念無改展讀  
枉佳句清光韜錯采誰云瘴厲蒸搖筆冰雪在豈以蠟屐  
心必游居鼎鼎翹材館中客我交三十載南華復在望西  
溪姑有待庶幾結煙霞前行莫余紿

寄蔣礪堂制府

海天澄碧麥畦春不在多言政日新自少卽肩天下重如  
公方算讀書人萬靈生計水霜味午夜名香岱華身誰信

廣平心鐵石梅花一賦獨超塵

寄胡茂甫同年

游粵豈求勾漏令辭聞長憶武夷君  
年年春草彫青鬢樹樹梅花亂白雲  
一味蕭閒書作伴幾回過從夜將分  
同來翡翠珠璣地念爾塵中獨不羣

懷嶺南諸友

曾上星巖看落暉重來無力更探奇  
懸知石室添題壁刺

史書邊太史

詩謝禮浦太史時掌教端州  
七星巖有李北海石刻

一序才名四子俱

方校刻黎張  
黃呂四子詩

愛君滌筆在水壺清池通

海榕遮屋便似知章乞鑑湖

劉樸石太史

扶筇山館眼都青何計從君子日亭蒲澗泉聲聽不盡願

將玉軫寫清玲

張南山孝廉

未妨謠詠損奇才況坐春風學道來阮室燈昏微雨夜文

光應射越王臺

陳仲卿秀才

### 阻雨韓信峽

川塗風靡常順逆轉飄忽夏霖天河翻峽水潛蛟出岸將

委泥沙港遂成溟渤孤蓬寄木杪上漏僅容膝長歎站溪

鳶坐想出籠鵲維昔阻風雪亦此住三日

丁卯冬時尙潔  
扶護事

晨饑思之有餘恤何況度嶺來南風未云缺茲理本循環

太康宜蕭瑟奇峯雲雨中那數房山筆謂淡而更濃似靚



乃真逸每當烟迷離時見樹蒼鬱嚴瀨魚可數鱣峽羊欲  
叱晴遊雨稀逢兼惜舟行疾豈如卧翠屏清景守弗失莫  
賦辛勤篇請看膏沐畢

收帆

帆轉青溪曲山山啼鷓鴣經時思弟妹垂老在江湖茗戰  
回甘處琴心入澹無收帆知不遠何必問歧途

舟過雩都寄葉二雲谷舍弟慎夫

掛席事遠遊知過幾城郭此坡一言辭卽回舊林壑雖停  
坐花筵猶及菖蒲酌遂招同懷弟稚孫解懽躍山妻機杼  
拋肴蔬手親作池開數柄荷庭舞一雙鶴毋庸述旅愁且

言歸家樂粵中夙好多葉子尤磊落坐我老佗臺宿我倪  
迂閣兩人所心許俱以澹寧約別知三度難遊有結駟諾  
楊懸草堂開改歲猶日昨

鄭松谷太守

鵬程

以母太君遺草寄示

瑟瑟榕葉秋團團桂華露啞啞樹上烏黯黯雲中婺露沙  
容易啼鳥傷不反哺緬惟清閨暇玉臺寫心素塵封不忍  
讀爲感劬勞故一編南雅遺千古北堂慕

太君秉貞秀系出右族林開軒曾寫韻佐膳亦脫簪咿唔  
井臼間半是愁苦音棄孤抑何早玉樹俄千尋翟輝不及  
生感涕哀難禁刻詩冀壽世耿耿平生心孤方剖符竹海

內瞻爲霖移孝以作忠庶慰慈恩深

題汪奐之

正變

雨牕懷舊圖

竹牕夜半瀟瀟雨此情未斷忍終古吳公子劍伯牙琴知  
尔平生江海心海雲聯縣江水深風有信兮月有陰梅花  
一枝思至今月亦不能圓雨亦不成眠故人一別今幾年  
鷄聲漏聲點滴傳寸心耿耿誰不然懷哉懷哉公子賢

雙鶴

雙鶴一雄病死其雌笑哭可閔

雙鶴思故侶水瀕頭故低漫言心萬里常顧影單棲孤獨  
正如鴈昂藏肯伍鷄定知羽化者魂返海峯西

梁芷鄰儀部書來言祝氏有斐園之勝並示所著南

浦詩話

春來南浦碧如油渺渺汀州望建州何處亭臺半千隄舊  
時風月十三樓著書人共前賢話好古香多淨室留安得  
扁舟便乘興借園還作武夷遊

白荷花二首

綠轡垂虹玉一池消來暑氣竹陰移水姿不受斜陽染坐  
到風清月白時

一朵書名證玉盃澹香秋露暮蟬催濯纓那得心如雪爲  
見周郎弄月來

四賢畫像詩

王右軍

上書諫北征本通達治體歷代寶翰墨江東富山水誓墓  
早遺策謂卒宜樂死爲樂當及時壽五十九耳

陶靖節

三月宰彭澤幾年書義熙睠言松菊存何殊風俗歸憂時  
冥於酒樂天見諸詩倘升夫子堂冉閔相與期

韋左司

息息閔斯民汲汲修一己月白香正清元關由此啟詩如  
清冷淵靜者釣其汜近能開白公遠亦趨朱子

白香山

立朝尙耿介投老娛林泉  
祥麟慮爲脯神龜終潛淵  
牛李互鈎黨於公何與焉  
愛水遣二姬飯心棲一山  
畫公作屏風在當時已然

詩龕同李許齋太守懷時帆祭酒

一指能成詩百篇半龕衲補倩誰編  
花臨潭影知春在木落秋空見月圓  
饒舌滄浪微有悟證心書畫豈無禪  
而今苦憶梧門叟善病垂簾縮脚眠

去年五羊市中得座鶴銘舊拓本園中雙鶴遂化其一改小山亭爲座鶴亭

吾愛華陽逸千秋見鶴銘晉人遺大字江水落疎星仙羽

重逢化斯文若有靈撫碑聽雌唳所得在名亭

賞桂同溫伊初秀才訓童一齋徵君

小閣乍涼閉簾虛聞桂香裁牋招好友把盞共秋光露冷  
禪機破風高隱者臧淮南當此夕褰屐各成行

伊初一齋載酒過小園

木芙蓉間水芙蓉

用成句

公子攜觴佳客從終日太真無鄙

語十年馴鶴有清容陰銜涼雨高花出暝入蒼烟白鳥衝  
不厭山家風味薄園蔬邨釀尙能供

汪制府稼門先生與吳清夫翰簿夜坐見懷綬及童  
一齋徵君次韻一首

使院榕陰話晚涼  
尙書後樂見苗良罷琴且共觀元化隱  
几何妨證坐忘有月在天清照影澄心如水暗生香却思  
靜對林泉侶講易池邊引興長

中秋與伊初秀才寶月樓玩月二首

秋色平分候相逢  
詞客豪月真於我近松不及樓高

北極千門路南溟  
萬里濤

曾於中秋入直及泛海

至今留皎潔來照

徑蓬蒿

公子惜良會  
裴回水石間  
一年多雨晦  
幾處望關山  
似我心長素  
經秋鬢益斑  
吹笙仙馭遠  
緱氏若爲顏

對月三首和溫秀才



碧城十二層姮娥夜夜情白玉爲闌干銀河爲畫屏西池  
將進酒南斗爲去聲吹笙層城縱云華亦以風露清何地無  
風露何池非蓬瀛遂登寶月樓縹緲睎仙靈仙靈豈可遇  
山寺聞鐘聲

瀉水碧玉餅明月不可貯鮫湖濯水魄魚龍渺何處湘浦  
見一鈎夢中茝蘭素欲借琴高鯉恐犯天孫杼不如池上  
酌於月恍親故再馨叢桂花細細拆寒露

蟾兔皎良夜促織喧空階思通天地人以靜爲胚胎悄寒  
亦起悟滅燭登華臺糟粕姑置之磊落來吾儕豈真林泉  
適不掛民物懷照我如農稼暫優哉游哉

十六夜月

一樣中秋月焉知圓缺成光遲良夜美寒攬素衣盈露竹  
交加影霜鐘斷續聲侈心嗤往日何處有蓬瀛

十七夜月

疎柳畫廊西娟娟斜照時自然光畧損敢厭上來遲驟冷  
增天曠孤清許獨知鑒予不肯落白與旭東期

通渭城歌

乾隆甲辰年逆回田五等聚石峯堡犯通渭縣城  
典史溫君模字孫朗率民登陴固守七晝夜知縣  
王樓堅不開倉守者病不能興城陷君殉焉紳李

南暉率子姪巷戰死事

聞獲 卹如例王懷伏誅君廣東長樂縣人伊初  
秀才之族祖也秀才出示家傳遂賦之

櫓槍宵燭石峯堡堅壁待之師易老黑雲壓城城不摧孤  
軍刀斗轟如雷求援寧憾浮圖矢餉士先需太倉米盜臣  
不恤庚癸呼雀羅力竭鼓聲死一尉心肝奉我

皇城存與存亡與亡義激巷戰各奮勇爲顏常山張睢陽  
須臾淨掃蕭關道勁草終回太陽照人心歸卽邊城完

天語褒將叢祠報與君追悼幾何年長星落木高秋天人  
生忠孝千秋事莫負梧溪手一編

梧溪秀才  
讀書處

夢獻縣師紀文達公

阮室傳經日容臺散直時引杯謀試酒授簡欲題詩寒食  
他鄉節虛堂半榻帷絮風堵未掃杏雨席頻移量校三蕉  
葉吟爭一字師異書橫几供宮漏短檠知沈范初逢只羊  
何共和之疎狂還醉倒清嘯與閒宜當日情如昨爲歡逝  
莫追澄心真似水閱世倏如碁述著中朝冠丰裁外國窺  
九原寧可作四庫若爲垂葬近賢王家

恩叨

御製碑已聞松是蓋旋訝雪盈髭悔甚櫻塵網愁惟灌漏

卮一辭青瑣闥遂老碧梧枝遺像曾馳驛

昔藏公行看子  
極似由揚州寄

師文孫亦把麾誰云三十載猶得夢中隨

聞吳清夫翰簿將歸里

小園明瑟秋淳意近華胥樓上見君屋燈前堆古書況期人到日定在月圓初最愛寒潭水西風淨碧虛

大竹屯歌

己酉進士同年上海張君立人名位中令四川大竹縣有惠政會邪教滋擾嘉慶二年賊徐添德由碇洞門侵縣境君督鄉勇建義勝旗殺賊無算既退申令一遠方被脅資送還鄉一被脅之民補入保甲一散口糧賑粥三月一查遺產借給籽種居

民帖然越數月賊包止洪與王光祖合迫縣城君  
戒民堅守自率外委王耀龍出城屯十里之東嶽  
廟扼要禦之上馬發四矢斃騎賊一傷其二與王  
弁等力竭死焉先一日廟中地上忽生一花甚麗  
民以爲忠節之祥事

聞叨 卹如例廕子雲騎尉同年阮撫軍傳君寄  
示僕敬爲詩以紀之

戰馬龍騰弓霹靂張侯書生能殺賊殺氣朝橫磔洞門劍  
鉉山矗風塵昏英姿颯爽義勝軍戮鯨三百仍追奔黑山  
更合黃巾力侯綏婦子惟堅壁背城獨借期裹革左旋右

抽一當百勢憑於險算原精驟櫻其鋒敵亦北岱嶽靈招  
上殿魂丈人空奏全城績

天褒大竹忠勲垂地產名花瑞應奇感侯共命多勇烈可  
憐南八好男兒忍憶曲江同讌時

九日得葉雲谷農部書

九日衰齡節高樓何處心海天秋艇遠風雨夜燈深把盞  
非無菊橫牀亦有琴狂歌渾不似懷袖聽寒砧

九日同溫秀才遊草倉李忠定公祠

秋之爲氣風怒號况臨千尺蒼松濤吹開層雲出斜照草  
倉祠古靈旗飄天生奇才資再造倉皇內禪古桑苞道君

方賜陸贄傳南仲入譖宗祊搖相公三月陳十事君臣之  
義無所逃丐嗟康王實闇弱一鳳皇敵羣鷗鴞策秦與荆  
及建業避惟恐緩臨安遙經營河北無志壯詔諭江左甘  
羞包公殛邦昌如捕雀更斬齊愈如燎毛江黃第欲殺公  
耳去人之忌陳東遭當時芒鞋過下邑兩宮餘淚瓊瑰拋  
通宵吟留犯風露萬古神在瞻雲霄古之傷心有溫子同  
以弔古爲登高生當

平世漫感慨歸來菊酒閒愁消

夜坐與溫秀才話別

返照平臺夕餘霞散幾重籠山烟澹漠穿竹月璫瓏拋却



秋牕繁聽殘古寺鐘  
英英籬下菊永夜露華濃  
積水琉璃地蛙聲攪夜眠  
客兼羣雅少月見兩回圓  
踏影響黃葉論心澄碧川  
詰朝返南海瓜蔓有情牽

寄題溫伊初梧溪石室

夙世元顰叟浯溪更有臺  
仙源識漁隱石室待君開  
明月窺巖洞文章屬草萊  
他時尋篆刻有客泛舟來

歎逝四首

洪稚存編修

直講

紫禁禦荷戈黃河源自言忠孝志未報

君親恩翩然乘江風別酒滄溟翻丙寅揚州一晤遂成永訣斯人竟下  
世待用聲爲吞

### 何寧夏蘭士

蘭士氣如蘭獨少死何早方雪齋中琴城南風月好清詩  
已流播魯酒日潦倒招魂賀蘭山銘旌白登道

### 法時帆祭酒

祭酒蒙古賢生憐死相捐翻因官不達校盡華林編詩龕  
積水潭陳迹難具論傳聞絳灌逝頗用賈生言

### 張萊州船山

峨嵋山主僊謫爲宰相系絲筆星斗芒寶劍春坊字可否

半沉冥滑稽本遊戲謝病遽鞭鸞猶疑甕頭醉

鶴

貴產從墮地發聲能到天立真無與偶步總不思前夜氣  
心情洽霜華服色鮮自從雄化後偏得主人憐

山根

山根四五家望似一鄉斜作室不能蓋空曩孰肯賒風高  
門聚葉雪霽石開花所媿爲鄰里方收稻滿車

彈琴

秋日從何來特照茲琴古白沙爲我修琴刻宏治辛亥  
白沙氏修八字杏  
壇如可覩有時流水鳴庭鶴翩然舞自愛兩三聲傳心良

非譜

野梅

疎林雪後幾人家流水枝橫畧約斜十五玉如寒閉閣小

梅十五株却教沿路看梅花

探梅二十韻寄李許齋太守

何必花開早探梅最有情園林排日瘦霜雪助人清香指  
寒巖發枝仍月觀橫朔颺方獵獵冷蘂漸英英古驛將誰  
寄前身悟此生微吟何水部袖手庾蘭成東閣塵初掃南  
枝暖向榮客來都舊雨時童一齋吳清夫兩徵君適至鶴舞更長鳴壁上  
琴時響尊中酒尙盈醉來惟倚石書就或投罌聞道長汀

卷之六  
盛曾經短夢繁况逢賢岳牧其品重瑤瑛往者籃輿去親  
勞倒屣迎孟同香雪泛政以惠風行廿載論心素三朝出  
郭晴小園栽幾本隔歲駐雙旌譽樹攀猶葉憂時飲不醒  
冰壺今皎潔鐵幹識堅貞隱漫容和靖碑應頌廣平願持  
松竹意共葆歲寒聲

酬吳清夫

休論蛩蛸更參商四十年拋未覺長但說少時真可笑

昌黎

文云少年事劇可笑誰云老去總多傷更番夜醉平原酒葱鬱春生  
負郭桑只隔一牆同露井兩家雞犬各成行

春色

春色濯微雨居然雲水鄉陰晴渾若夢桃柳繡成行拓地  
供蠶料馳書借鶴糧太平饒歲月不惜去堂堂

寄張舸齋司馬

江閣三旬病掩關落花繡榻綠班班尊前舊侶容辭醉壺  
裏真仙好是閒夜月龍歸焦隱洞春風鷗語戴公山只今  
馳想同遊處疑有雲從海上還

寄酬張夕庵

何處春風不可憐柳絲黃帶碧雲牽忽承裁句來天外頓  
覺分襟在眼前鳳羽爲儀高一鶚謂令子虎頭落筆重千  
年滄江茗戰聞枯坐未許寒濤破醉眠

錄別

別緒紛同百草芽  
強分暮色說年遐  
如何人去荒園閉  
黃鳥初飛桃着花

清夫去後却寄

隔牖花枝出水芹  
高樓百尺月三分  
昨朝人去瀟瀟雨  
遠夢春驅黯黯雲  
蕪欲把鋤歸栗里  
老難投筆媿終軍  
思君半榻同僧定  
幕府風清畫角聞

寄遠

北斗文章舊賞音  
西園風月太駸駸  
種桑須待蓬萊淺  
賣藥寧知市肆深  
賴有梅花供獨醉  
更無芳草不微吟  
登樓

試認江南路千縷垂楊一寸心

送李許齋太守調任漳州二首

海疆迎郭去山郡借寇心山海易欣戚何況違知音愧無  
青玉案奏我綠綺琴古調誰復彈思公良難任難任豈我  
獨八邑同所欽苦心寄農畝殷禮存儒林願爲皎皎月沿  
江照素襟

種松葆歲寒結友根至性少壯曾幾時同事朱文正

與許齋同

出大興相問字慚高第論心仍短檠因念長逝者

師冢子習之張

詞

孟欲覲安能更居諸原飈馳所貴德業盛久霜勵寸心

瘡痍在百姓惟公保赤誠非徒越閩慶



小園二首

東風吹綠水邊亭  
孤鶴隨行日一經  
老去却難逢故物  
年年山對小樓青

偶營茅屋十弓寬  
書卷橫斜積翠間  
莫笑竹深難插脚  
小池藏得半邊山

曉起

曉夢鶯啼破  
呼僮振素襟  
密叢猶泣露  
殘月尙留陰  
令節催人早  
名花識此心  
却思少年子  
恐負好香衾

扶容橋

橫橋夾鏡兩邊彎  
習習清風葛布單  
楊柳扶容堤上色  
客

來偏愛冰中看

將樂題壁

浣鏡玉華翠清光動客顏舊遊成一世

乾隆己亥過此

老屋尙三

間地接甌疆遠人傳洛學還漫嗤名利客心早戢龜山

南劍州

一抹斜陽山半城當年詩和蔡端明

蔡忠惠有南劍州詩

天邊白玉

雙龍下直送驚濤到海平

酬汪均之

正均

蒼山蜿蜒南送我七百里山盡一水澄旣濟晤之子之子

玉抱璞淵然追太始常懷千古心鬱爲天下士多士繡聲

悅民物孰毛裏方今江南飢浙東西亦爾嗷嗷中澤鴻陳

陳太倉米知君桑梓情與衆異悲喜載披惜抱帖

姚惜抱先生會

致安撫胡公書  
言賑災事宜

千憂集一紙梅花乍夜開白酒春前美痛

飲復高歌但惜吾老矣忠孝苟不虧勸哉汗青史

### 題陳恭甫編修詩集後

學海真堪待問津朝端風度曲江倫經時酬及高常侍和  
句超於賈舍人蘭膳笙詩珠箔曉梅花明月玉堂春羨君  
愛日宮袍舞可但貧交筆有神

### 遊武夷山六首

平生桑梓心爲有太古山避秦失鹿挺祀漢馳魚乾堂堂

武夷君服食南蠻安無諸侈開疆君乃通天關六六峯靈  
境十三仙崇班我際潭底龍遂晞雲中鸞清光煙水外翠  
黛睂睫間誰云歲旣晏冬夏一色餐

名山大半雄海上閱龍鬪武夷乃真仙窈窕不我覲峯削  
翻何姝石潤不在皺青青排松柏離離明橘柚一草一木  
生鬱然發深秀所以淳熙儒鍾靈比山壽

爲玉女將軍爲虎豹瑟琴空山靜羣響飛泉爲之音泉流  
匯成溪渺瀰洗我心登舟展茵卧淨淥映素襟衆鳥何啾  
啾中罨梅花林一花香一曲數遍碧玉岑

背碑蝕爲苔古苔繡成字壁懸礙日陰樹作拏雲勢緬維

朱文公道脈東周系圖書契先天俎豆畱斯地誰能結舊  
廬苦辛蔡陳繼返求賢聖心那識神仙氣秋月照寒水片  
雲繹真諦

雲巖矗絕頂虹橋懸半空飛騰謂需此竊恐非仙蹤建州  
猶未建慢亭已雲中第如羅與浮首開南荒風下士湯信  
之仙樂思琤琮焦山三詔洞匡山五老峯稽古得其人庶  
幾名可通

靈芽初含苞油雲已瀼瀼先春氣蓬蓬逐利心攘攘百炬  
照千稍發程指川廣遂令緇黃流同吏事鞅掌借問住山  
人孰有紫霞想算緡雖可藉藏奸或亦倘吁嗟慎弗踈鉤

稽煩官長

天游峯

摩天石隙翠巖隈不信層霄特做臺雲氣環爲大瀛海晨  
光低入小蓬萊百泉水落迴波曲五岳圖真縮本開定識  
他生來有日欲行重盼洞邊梅

高雨農舍人何金門秀才同宿詩話樓

異鄉苦難見珍重此宵畱發興垂青簡忘機到白鷗當時  
話詩客都在聽江樓正下霏霏雪何殊訪戴遊

張烈婦詩

光澤高舍人之弟沆然年十七而天旣殮其配張

孺人殉之所居楹帖云明目張膽作事頂天立地  
爲人孺人知書縊當右楹嘉慶甲戌年十一月二  
十七日也

貞烈之生清似雪卽潔成輝性易滅芳春夭桃曾幾時芝  
草旣枯幽蘭折仰天蒼蒼天何言俯地茫茫地不裂裴回  
制淚讀書堂一幅鮫綃心百結天真可頂地可立

施烈婦詩

同里儒童伍先馨之配施孺人年十八于歸七旬  
夫夭七日縊殉十一月十八日也

寡鵠調殊苦哀音空爾爲恩情同命盡天地此倫癡獨激

鬚眉婉能輕骨月悲家家生女者幾見立身奇

昭武道中柬吳清夫徵君

故人白首共看山歲暮安知行路難小憇孤亭梅萼杪蒼  
崖衝霰入高寒



留春草堂詩鈔續集卷七

甯化 伊秉綬 組似

次韻酬阮芸臺中丞

百花洲上水春暖  
況聞鶯舊館  
仙人跡新詩  
節使情田功  
周召伯書味  
漢經生廬阜  
垂天影流將  
九派清

附原作

阮元

夜雨尊前酒新晴  
柳外鶯洪都  
三宿住淮海  
十年情予

子皆孤子

丙寅元方丁憂回籍丁卯秋仲墨卿又以憂去

嚶嚶是友生  
此行廣陵

郡一路埭棠清

游廬山自南康之九江止宿茶山草堂四首

五老東隆各爭長漢陽西峙誰能抗山靈不定主峯尊迢  
遞嶙峍半天上南瞻彭蠡湖如盃北流滾滾岷江來飛仙  
挾我山巔坐長風蕩漾冒懷開登廣武原昔人歎起昔人  
言真河漢

匡君一生詒白雲左縈右繞何紛紜上晴下雨須臾屯山  
腰常著白練褰古雲穿石畱其根今雲化水拖泉紳古雲  
今雲重回首消得遊人幾斛酒

循山左麓相其背坐見嶙峍變光怪滿身寒雨聞齋鐘奇  
雲洗出青扶容竿笙襍奏珠瀑風魚龍潛戲玉池空峯外  
拳拳露螺髻知落黃巖幾層勢重重掩抑窈窕姿清空却

浸潯陽湄潯陽故人潔比玉

訪茶山

邀我茶山草堂宿

草堂新結天池下樹老如龍石如馬到門一馬二馬從倚  
幌小山大山宮襍花滿壑來清風飲山綠有醍醐功人生  
能著幾兩屐天道渾似一張弓况我與君皆老矣願住斜  
川及栗里六朝青山如此美萬柄荷花半溪水

附送別詩

方體

天地憎高枕江湖念友生百年能幾會一昔更多情自  
髮相看老青山何處盟河梁重攜手歎息此浮名

白鹿洞次王文成公韻

白雲走如鹿隱者安可見五老故多情撥雲出層巘天風

吹我襟湖水照我面洞門町曠荒石逕陰晴變昔賢講堂  
在一過恍乘傳裴裏獨對亭但有中心眷屐虞神虎跡孟  
倩流鶯勸茵席展名山何暇陸朱辯

開先寺瀑布

杖策尋黃巖巖險不容扶陰積太古氣蕭蕭隨風俱何來  
銀濤翻散以萬斛珠怒欲帶石落洪真欺坤虛八耳三日  
雷下山千畝渠寺追齊梁址人慨王李徂尋右軍墨池太  
讀書堂不得  
惟存輪囷樹尙是前朝餘

三峽橋

一石隱僧屋一石橫地軸石頑水則靈空嵌自洄狀三峽

三激之雷轟無斷續飛梁駕鼉鼉峻急利用束特立茹水  
雪袂濕腸鳴腹末流竹箭分靜聽琴與筑

### 東林寺

匡君靄清淑積秀林東西邨市仿鴈門飛梁橫虎溪岷江  
枕浩汗晉樹生離奇石氣不可遏千仞驅嵐垂須臾化爲  
水遠與池渺瀰坐聽午時鐘暗香荷風吹

### 天池

丹梯獨往客側足愁寄嶽白雲起山趾青天倒池心沐日  
浴月處紅塵詎能侵左攢太乙頂右挹漢陽岑巍巍乎高  
哉合讓歐陽吟

世宗皇帝詩集卷之十一  
孫淵如觀察五松園落成次韻奉贈四首

朝衣脫却是閒身三鳳翩遷舞綵新能繼午橋營水竹爲  
娛子舍集親賓調絲正及中年後脩禊何須上巳辰好是  
江南佳麗地天將著作屬斯人

壯歲東藩出上林邢家園館近來禽交情最憶羊求密經  
義誰如馬鄭深豈意笛邀看月步竟成笙奏采蘭心誅茅  
種竹工才就牆外濃陰已十尋

渾忘上第况頭廳只恐花殘酒盞停魯園尙畱棠隸蔭鍾  
山不媿草堂靈春雲澹蕩鴻遵渚秋竹蕭疎鶴唳汀欲問  
南蘭陵故宅江天新朗少微星

家世生男總仲謀  
雙雙撰杖快扶鳩  
三天自繼簪毫望  
佳日吾將載酒遊  
每笑縱譚壺欲碎  
由來清興轄應投  
斜陽移向池邊酌  
坐待深盃月影浮

白下喜晤金手山

清涼一角六朝山  
不料能同蠟屐攀  
昔日長安真舊雨  
今看短鬢尙朱顏  
殷憂民物肩初弛  
結習琴書好是閒  
莫向尊前添感慨  
墓田佳處夕陽殷

題屠琴鵬大令

傳

是程堂詩草後

秋水園中不堅臥  
來看江城倚江閣  
真州刺史玉局蘇  
再泣人稱細侯郭  
苦心詎識魚鹽利  
仁政先除莠稂惡  
啼烏

秋夜心常驚納粟大倉淚爲落詩通於政作者誰畫諫成  
圖民命託殷殷保赤上上考敝俗終能晉康爵交君未遇  
心期驗歎我投閒旅食忤宋梅訪古仙乎仙夏麥登場樂  
上樂湘靈峯奇石戍削二客題名事如昨東門外巨石余  
會與阮芸臺刻  
上石其倘栽修竹蓋茅亭用餉詞人動春酌故人老矣百不  
求附集而傳所貽博

### 答洪桐生同年

先生昔抱東萊疾今日更喪西河明妙句捷馳神所助梅  
花如放心原清天教垂後有國語手自書空踈管城便約

黃公鑪畔醉勝他宿草斜陽傾

墨莊時帆雅存  
船山相繼而逝



題唐陶山觀察還山養疴圖

岱雲資豹隱徂徠高蹈改前軫湘雲適鴻冥濂溪移向廬  
山青君生南嶽長東嶽歸去來兮良不惡廿年雨遍江南  
春豈如高價終南索洞竅一體惟斯民君病民病身民身  
奉君宗炳之畫壁願君臥閣能保赤示君鄭俠之繪圖願  
君養民如養雛何處青山不可老寄情鄉縣胡爲乎佳兒  
連步蓬萊上丈人雖老猷克壯漫云天女侍維摩花不著  
身定無恙

題阮梅叔秀才

亭

珠湖漁隱圖

孝緒南朝學文游此宋臺一竿憑石隱老屋傍湖開生計

同畊稼清詞出草萊波澄天欲溟何處笛聲哀

廖復堂都轉謝病閒居出示後題襟館修禊圖

欵客二分月權官六十朝

予攝運司僅兩閱月

畫禪證西蜀文酒壓

南朝正是春如海而聞夜夢蕉艱難吾道在觴罷而瀟瀟

歸鶴篇爲復堂都轉賦

記云人情以爲田彼鶴而歸胡不然天生健翮不爾鍛遂  
得再舉翬雲煙雲煙出入一萬里孰若主人情意美居巢  
日飽海東魚出籠更飲淮南水耳目之近狎而臨借問何  
處游爾心主人政似趙清獻亦復論採支道林鶴兮爾過  
蓬壺北倘遇神仙服鞭策鶴兮爾返元圃東未必城郭皆

華風別剛而月已更臘廿六日去歸來同雌聞雄歸頂愈  
紅相與對舞空庭中一歸主人顏色好再歸主人垂垂老  
誰如汝壽一千年作亭與記同汝傳

吳穀人祭酒招飲語及廬山之勝次韻

暮年同戒飲仍戀酒氛氲復此宵燈共何殊夏課分荷香  
清季子雲氣沐匡君安得凌風去飄飄鸞鶴羣

附原作

吳錫麒

荷花忽招手隱隱助氤氲直挾雪千里來尋月二分茶  
天揚子水仙樂武夷君發我白鷗夢還聯世外羣

湖上問秦生味芸病

坐惜爾難與臨風發浩歌維摩方丈秘明月二分多學識  
公羊就名嗤扁鵲訛不須求面壁心鏡靜中磨

石琢堂同年寓於休園余舊居也話舊一首

昔年草草卸行滕曾借園名作號稱邃古高文仍掌冊令  
宵清興在挑燈荷花開似豐年玉斛葉涼消夏月冰話到  
錦官城舊事故人猿鶴涕沾膺

謂吳少甫吏部  
張船山太守

次韻

石韞玉

一紙新詩啓秘籐江山文藻古同稱召康聽訟今畱樹  
都穆移居昔駐燈

予所寓休園公昔  
解郡時曾居于此

朋舊十年多宿草

官方三命正懷冰

公方北  
起官

知公節似貞松勁

公自名所  
居曰貞松

頌此意拳拳欲服膺

釋雪齋欲種梅招鶴詩以示之

二分明月僧無緣鍊心如雪如冰堅尙何梅花足關慮仙人騏驎晞遙天我曾種梅向東閣花落花開夢成昨又會載得雙鶴歸祇今塵在林塘西死生仕止有定理請師爲我詳參之盡人欲招支遁放忍守寒香氣凋喪以雪名齋神理超願霏丈雪埋僧寮

釋慶庵會閉關三年今遊五臺山歸持阮侍郎送行

序過予贈之以詩

事當爲其難

阮中丞

序中語

斯言有微指難在持寸心非關行萬

里當師閉關時頗防欲念起及乎涉險遠轉悟面壁理昔  
同粥飯僧今短天年矣詞小石詩云相在室易戒壯於趾壯  
趾慎厥終幽獨宜永矢莫難於守官勛哉吾知耻

楊竹廬都尉大壯招飲話及松楸感賦

都尉承祧重將軍故第深清風留古木幽興在瑤琴予亦  
封才畢因君感不禁更言勤國意空抱向陽心

穀人祭酒七十壽詩二首

十八科前仙侶稀魯靈光特聳清儀詞林望是儒林望國  
子師原胄子師蓮炬封餘韓氏篋弓衣織就白家詩年年  
玉露銀河夕早桂香中介一卮

少說漁洋公老成並畱陳迹綠楊城暮年未免應劉感門  
下從多籍湜名絲管千觴娛北海文章一代重西清正逢  
續集編成日壽在縣縣士女情

書包慎伯孝廉詩集後

涇縣好山水生來古性情馬周人未識同甫氣原平策自  
千言重投難一刺輕爲儒先有恥

有恥乃  
集中語

吾道得千城

漫興

杜牧柔情似水深畫船多泊綠楊陰誰知鐵撥銀箏外別  
有平生稷卨心

阮梅叔招遊雷塘庵與其師焦里堂孝廉作于野之

會時久旱遇雨歸過木蘭院次韻

出郭密雲布氣候兼暄寒平疇少流水古木含蒼煙爭浚

龍骨渠急矣栽秧天言勤訪友駕憶我禱雨年師希漢隱

洞弟有南阮賢相期過丙舍

雷塘庵芸臺中丞之先隱

邂逅於中田易

林慙我願箴過靡不然須臾雨傾盆頓覺農心安從者羣

跋涉敢厭歸途難雷塘幾桑林葉葉風濤翻遂陟招提境

回首瀧岡阡摩挲兩古盤

盤寬六尺曾賓谷官運使時移置於院

茶飯皆前

緣

贈包慎伯孝廉

年少奇才涇縣包醉翁會以勛吾曹

首句吾師朱文正公之言

儒于二



府資籌筆貪出千金市寶刀心盼鵬飛邊草長論翻月落  
海雲高相逢却訂深山住無定時名要善逃

江都俞氏十三烈詩

明正德間給諫俞敦揚州府志有傳其裔當鼎革  
時一家十三人盡節繼嗣微不能表揚越百七十  
年寶應孝廉劉寶樹娶於俞閱俞氏康熙間家譜  
得其詳孝廉弟秀才寶楠作書事夫當日死事何  
可勝紀而旣獲姓名卽難湮沒僕舊守也謹先賦  
詩惟大雅表微焉

六男六女一幼童江都死節俞門忠諸生曰臣名字清遠

妻盛

氏

曉星塘葬淺復盛人妻王女已嫁歸甯同死於親

舍厥弟復道字用修妻錢妾孫兒歲周古井黯慘同一邱

競

人

字無競其妻瞿可憐前夕歌好述德夔之京二人未

有室死同四月廿八日明社既屋歲乙酉維十三人並命

畢於乎丞相史公激厲多忠魂日星耿耿魂爲神爰及婦

孺如其仁圖經失載家乘存安得綽楔旌高門博羅亦有

全家烈他日姓名應不滅

博羅逆犯陳爛屐四將亂有族  
人勸止之成誓及亂煎斷腸草

湯全家十二口飲之盡節時余罷惠州  
會請之上宮求其名字不得至今抱恨

### 散邑銅盤歌

壯墓散邑銘至老不能讀首行第三字釋獵又釋僕昔習

叔重言但審盤三足厥地臨洮南其姓宜生族正據伯州  
犁爭田蔽辭速導見石鼓文或獵乙卯卜竟東虞右還從  
禽卽遼陸樹表定封略旒付井置護旣籍昌黎口亦畫坡  
老腹攷証多鴻儒徵書荀猶束一字有可疑原父矜我獨  
一義不標新尙功以爲惡緬維虞夏書明白如朝旭亦越  
殷周文詰屈仍肅穆茲繁義不富詞似不足錄而光恠射  
人離離星斗簇三百六十字十九行文縟騰虬殊透迤奮  
戟妙蘊蓄豈惟韓蘇驚直令籀斯服繫予望古心搗管不  
格竹訓蠹多麥禾詎田獲麀鹿臺臣貢

天府再拜三薰沐後人語法物譬叩盤捫燭何處更奇觀

太學焦山麓

明太常卿洪公遺像

公名文衡字桂潛歙人萬厯十七年進士明史有傳

人苟欲自貴何官不貴人人苟欲自賤何官不賤人

見高忠憲

所作墓志銘引公語

味公斯言殊自得東林講業先砭身武夷清遊

共良執憲

卽忠憲

秋月皎潔無纖塵歛歛老矣時過學片詞遂

書高子紳公之刻勵有如此宜能建白輸忠勤一言涇陽  
廢籍起再仕閹宦裁抑頻世宗議禮亦已過受人宗社私  
其親僉壬逆祀博富貴北闕南詔多忠魂適因廟祧擬興

獻雖不能用彝倫伸維時黨禍尙未熾尙獲眉壽遭運迤  
黃山鍾靈後必大二百年誥藏猶新拜公遺像三歎息爲  
時之鳳人之麟

揚州三首

揚州綠楊郭十室九歌舞舟蕩邯鄲娼市列雒陽賈豈知  
郭外民避荒飽風雨濁溝藜藿慕高門酒肉腐老不如鬼  
翁幼不如童殺鬼翁暢春波童殺習草土居民咸我知客  
民亦我與思欲繪圖獻博濟病自古感此不能食長歎究  
何補

新城絲與竹舊城饅與粥旣多箕裘業絕少鳩雀屋戚戚

同歲生猶不援巨族

汪文錫教授兆宏稼門先生撫吳問其賢欲與聯宗終不在調移家

清風里自號子真谷二堂推博學

焦里堂循江鄭堂藩注書容我讀

李

天徵號瘳生

張鈔號老輩皆詩人

并無家蕭然意自足衰遲我何能

尙敢希利祿先民亦有訓不貴善身獨

早晴出北郭豐碑認雷塘中有將軍墳

阮氏芸臺撫部之祖

古木森

成行因思我先隴石獸含悲涼奈何舍之去頓忘晉墓章

白傅樂府譏朝露兼夕陽縱不貪名利亦恐賢路妨惻惻

念民窮不敏且試嘗

虹園

虹園縹緲卽蓬壺珍木參天半白榆言盼

翠華修

玉座東南民力豈全紓

題潘桐岡康熙間秦遊送行冊後

宰相新昌世系賢渭聲華色動吟鞭河梁五字蘇卿別帳  
觴閒情二百年

薊門風雪馬駟驪騎省才名我舊諳能作大將軍揖客至  
今詞翰重江南

有示江成叔觀察

正鴻

遺扇者詩畫皆精向未之見

也感賦

情塵小劫向誰論七子詩壇閉石門一握宛如人再至墨  
香黯澹月黃昏

曾云弱荻敢忘歸參透元關世罕知思爾藏名韜慧意秋  
墳不唱鮑家詩

題徐雪廬孝廉

熊飛

防風碑攷後

元圭禹錫車書同岱山大會誅防風額龍耳牛卜廟食後  
裔骨尙專車雄君如昌黎尋嶠嶼出入雲霧間與封二山名

休文宅荒高岸斷東野井廢寒煙濃錢如趙嬪埋香處玉  
魚金碗獵隧空近古而還已如此何況典午赤烏蹤老農

畊原牧敲石往往翠墨披榛逢東漢縣名晉三易

永安永康

三磚篆刻埏埴工甲第成塵黯風露貞陶琢研摹蛟龍深  
山偶拾銅瓷鐵半壁便擬珪璋琮寶正改元不稱帝陽嘉



西屬初分東攷君邑界古吳越山岡鬱秀巖關重爲詳險  
要顧炎武豈徒博雅薛尙功別君十年思落月示我一卷  
鏗華鐘搜奇染翰動不朽相顧俱已頭如童

小金山有堂三楹予題之曰湖上草堂示僧智林

柳絲垂處綠雲興眺遠山還躡屐登幾姓樓臺半零落草  
堂無恙付詩僧

同白坦菴

守清

過湖上草堂

草堂湖上望茶社更詩壇天遠風林澹江深水茜寒斷虹  
殘雨外歸鳥暮雲端賴有香山句先教善眼看

酬趙味辛同年

邠卿飽看華山秋渭水前腸病骨瘳詩到悟將終始一身  
存擔得古今愁最憐饑鳳韜文在滿眼哀鴻急稻謀聞道  
青齊今有歲旅人聊緩杞人憂

田間常念

兩朝恩到處都來鴻爪存入直香山明月騎扈從平灤水  
塞雲尊鄭元臥里題通德向秀冥情託漆園微疾垂簾多  
述著倦遊吾亦戀邱樊

寄吳清夫

昆吾切玉不斷水藥石苦口疾良已與君心交四十年冰  
清玉粹澹彌旨鰕生思於民有濟鍊心勒馬懸崖勢天涯

骨肉行復來不識故人曾有意含情亦欲死前休密友豈  
忍來生求不在天上行卽至非獨爲友羣生謀

贈江鄭堂

藩

丞相禮賢意俾韜金馬門

鄭堂館韓城王文端公邸第二十年

通儒經學重

上客布衣尊慷慨憂時志迂踈復古論蕭蕭方落木碩果

盼秋還

贈汪孟慈舍人

喜孫

而翁吾未見想像漢名儒令子殊英俊遺編足委輸艱難  
斯道任廣大寸心廬歎我今遲暮流年冉冉徂

跋

嘉慶辛酉曇以詩受知於吾師伊墨卿先生始執贄於其門壬戌罷郡遣戎軍臺癸亥奉

恩旨免行是秋返里蓋在省垣盤桓年餘曇過從受業輒忘昏曉於是手鈔師詩得百餘首猶未得見全集也旣而師出守揚州曇欲游江南先書告之師復書曰僕雙親共百五十六歲宜及早游也而曇牽率俗事不果行師旋丁外內艱辛未釋服復游粵始獲讀畱春草堂詩鈔旣卒業遂盡錄之計自及門迄於今日已逾十稔師雖精神矍鑠不改故常而鬚髮漸斑白顧曇落拓無所成就而犬馬之

齒亦已二十有八矣師詩天才之高學殖之富寄意之遠  
用情之摯余君一序詳之世有識者豈以書名掩哉越歲  
甲戌詩鈔刻成用綴數語於後番禺受業陳曇謹跋

# 後序

留春草堂詩者座主伊墨卿先生之所作也先生之詩標峻旨於風騷齊逸軌於鮑謝涉李杜之堂與挾歐蘇之根抵雲霞蘊其內心丹青表其真色方古作者其端人而爲昌言者乎客獻疑曰菑畬異獻獵之獲模範非窠臼之沿先生之詩儒以道尊辭必已出矣然以紀述則情抒軫結涉攷辯而詞益瀾翻得毋傷於體與正煥應之曰清廟臣工貞受命之符車攻吉日揚中興之美建章宣猷詳令典於應陸北征南山肖時物於杜韓非紀述之入詩者乎昔康成先通韓詩始註二禮存中厯精小傳爰定三正疏風

雅之一編通甲乙之二部先生以經史爲寢饋以金石爲  
性命何疑乎鳳翔寶鷄考陳倉之古文童麋鵠鵠辨魯望  
之雜諷歎客曰詩有別材用博厥趣是以菹膾稗瑣諧謔  
音伎旣色舞而眉嚬亦金迷而紙醉茲何所取者嚴而所  
嗜者介乎正煥曰性各有近耳夫指會情狀不矜倣詭之  
奇疏瀹性靈豈假荒唐之助古稱篤好賦可直陳則貫十  
經於六情馭三長於五際行恒而言有物語重而句自奇  
一字非難萬言非富斯用宏而材擇矣少聲伎之畱思非  
博塞之待諫覽月而詠作哲賞琴而悟無邪夙工李潮八  
分通其波磔雅好王洽六法運其鈎渲亦旨遠而趣昭也

而況甲尊乙卣右史左圖接服鄭之經神賞淵雲之墨妙  
河聲嶽色瀏覽以恣奇石志崖題跌踢而凭弔莫不凌轢  
古今籠挫豪素奚必析文爲妙流靡爲妍哉客曰是則然  
矣雖然先生疑瑞環頰協望璠璣早躋華省洊歷都官遭  
際匪窮鬱抑何寄迨夫綰郡符而擁神皋臨通都而稱撫  
仕不改此度厥旨願聞正煥惕言曰微子言吾不及此溯  
莘城之詰衙遷黃連之奧區白鵝鍾靈蒼玉擢秀光祿啟  
運先生象賢菰蘭鞠爲餽糧葦蒲柳爲籬壁青氍蒙其素  
業黃卷重於朱提雖豹蔚而鸞跼迺鶴和而蟬警是則王  
臣蹇蹇之節良士瞿瞿之心也若夫二江合流探九驟起



五嶺疊嶂舉烽震驚庸臣懼賊抽中丞之鞵刀空壁團兵  
馳太守之符竹甫張綱之定變忽种嵩之蒙糾撲燎擬戍  
逝將流離遮馬攀畱靡不慷慨

天子聽鼓鼙而思勞臣順部屋以貫廉吏明誠達聰蹶乃  
復振則有感懷紀

恩之章焉甫蒞廣陵之名郡卽值淮黃之警災簪裾固繁  
槃敦豈暇操楫集菴晨犯霜於五渠振虞汎舟宵戴星於  
四野繪圖流涕懷鴈鳩之均仁持節鋤奸矢鷹鷂之猛志  
幸釜魚之無恙有澤鴻之告哀斯則秉由饑已溺之幽思  
亦庶幾先憂後樂之微旨也客乃逡巡避席而起謝曰讀

其詩益知其人子誠讜論諒非藉湜之阿其師也客退因  
書之以附於集後以質之先生嘉慶丁卯春正月翰林院  
編修受業長沙余正煥謹序